

邯鄲縣志第五卷

宦蹟志

周趙勝者趙之諸公子也號平原君平原君喜賓  
客客至者蓋數千人平原君受封東武城民家  
有甃者行汲美人居樓上大笑之甃者請曰願  
得笑臣者頭平原君許諾而終不殺美人門下  
客稍引去已知其故乃斬美人以謝甃者由是  
賓客復至與之結楚魏以解邯鄲之圍若平原  
君者蓋亦濁世之翩翩佳公子也

平原君斬美人

歌頭

平原君起朱樓美人盈盈樓上

繁稠愁門下士引去不可留美人高價千金值

千金不可惜可惜美人頭君不見帷中女兒觀

跛者一笑五國生

蘭相如者趙人也趙惠文王得楚和氏璧秦昭

王欲以十五城易之趙遣相如奉璧如秦秦無

償城意相如乃給取璧怒髮指冠却立柱下曰

臣頭願與璧俱碎乃遣從者懷璧間道先歸而

以身待命於秦秦王賢而歸之秦趙會於澠池

及飲酒秦王請趙王鼓瑟趙王鼓之相如請秦

王擊缶秦王不肯相如曰五步之內臣得以頸

血賤大王矣左右欲刃之相如叱之皆靡秦王

為一擊缶然終不能有加於趙趙王歸以相如

為上卿位在廉頗右及頗爭位乃稱疾不朝途

中相遇遂引車避匿其舍人皆以為耻相如曰

夫以秦之威相如能廷爭之辱其群臣相如雖

駕獨畏廉將軍哉顧強秦不敢加兵於趙者徒

以吾兩人任也今兩虎共鬪其勢不俱生吾所

以為此者先國家之急而後私讐也頗聞之肉

袒負荆詣門謝罪遂成刎頸之交

評相如詩人允計難成五步門置君虎口幸全還世

廉頗趙人為趙將秦伐韓韓上黨陷於趙秦攻

趙廉頗軍長平堅壁不出秦人行千金反間曰

秦獨畏馬服君之子括為將耳趙王遂以括代

頗後被秦兵射死卒四十萬人皆降白起盡坑

之其後燕之臣有栗腹者言趙壯者死可伐趙

復使頗擊之乃大敗燕軍燕割五城請和及悼

襄王使樂乘代頗頗逐奔大梁後趙數困於秦

兵趙王思復得頗使使者視頗郭開多與使者

金令毀之使者還報曰廉將軍雖老尚能飯然

與臣坐頃之三遺矢遂不召後奔楚竟卒於壽

春

李牧趙人為趙將嘗居代鴈門備匈奴日擊數

牛享士約曰匈奴即入盜急收入保敢有捕虜

者斬如是者數歲匈奴以為怯趙人怒使人代

之匈奴每來出戰數不利邊且不得田畜乃復

召李牧牧至請如舊約已而軍士皆願一戰牧

乃大縱畜牧人民滿野匈奴小入佯北單于聞  
之大率衆入牧乃多為奇陳大破匈奴十餘萬  
騎滅襜褁破東胡降林胡單于奔走十餘歲不  
敢近趙邊後秦使王翦攻趙趙以牧禦之秦多  
與趙王寵臣郭開金譖牧趙乃捕牧斬之秦由  
此遂滅趙矣

趙奢者趙之田部吏也收租稅平原家不肯出  
乃殺平原君用事者九人平原君將殺奢奢因  
說曰君於趙為貴公子今縱君家而不奉公則

法刑法刑則國弱國弱則諸侯加兵是無趙也

平原君以為賢言之於王用之治國賦國賦太  
平秦伐韓軍於闕與趙遣奢救之兵去邯鄲三  
十里而令軍中曰有以軍事諫者死秦軍軍武  
安西鼓譟勤兵武安屋瓦盡震有言急救武安  
者奢立斬之堅壁留二十八日不行復益增

壘秦間來入趙奢善食而遣之間以報秦將秦  
將大喜曰去國三十里而軍不行奢乃捲甲而  
趨之二日一夜至去闕與五十里而軍秦人聞

之悉甲而至軍士許歷請以軍士諫曰秦人不  
意趙師至此其來氣盛將軍必厚集其陣以待  
之不然必敗奢曰請受教歷復請曰先據北山  
者勝奢即萬人趨之秦後至爭山不得上奢縱  
兵擊之大破秦軍遂解閼與之圍趙乃賜奢號  
為馬服君與庶頗相同位

毛遂平原君門下食客秦圍邯鄲使平原君求  
救於楚約文武備具者二十人已得十九人餘  
無可取者遂乃自薦平原君曰賢士之處世也

猶錐之處囊中其末立見今先生處勝門下三  
年於此矣勝未有所聞是先生無有也遂曰遂  
乃今請處囊中耳使遂早得處囊中乃脫穎而  
出非特末見而已平原君乃與之俱至楚與楚  
王言合從利害久而未決遂乃按劍立階請曰  
從之利害兩言而決耳今日出而言日中不決  
何也楚王怒叱之遂按劍而前曰王之所以叱  
遂者以楚國之衆也今十步之內王不得恃衆  
矣王之命懸於遂手且吾君在前而叱者何也

遂聞湯以七十里而王天下文王以百里而臣諸侯今楚五千里持戟百萬此霸王之資也白起小豎子耳一戰而舉鄢郢再戰而燒夷陵三戰而辱王之先人此百世之怨而趙之所羞也而王不知惡焉合從者為楚非為趙也王曰唯唯乃歎血定從而歸平原君曰勝不敢復相天下之士矣因以遂為上客而楚使春申君將兵救趙會信陵君兵亦至秦兵遂罷

大戊午者趙肅侯相也肅侯嘗遊大陵戊午諫

曰耕事方急一日不作百日不食肅侯下車謝

虞卿者趙孝成王相也初以遊說躡躄擔簞說

孝成王一見賜黃金百鎰白璧一雙再見為趙

上卿故號為虞卿秦破趙於長平群臣皆欲割

六邑請和虞卿曰王之地有盡而秦之求無已

不如合魏為從時魏相魏齊者與秦相范雎有

隙秦求齊甚急齊乃抵虞卿棄相印與齊之梁

及齊自殺虞卿失相乃窮愁著書焉

肥義者趙武靈王相也王廢太子章而立少子

何使義為相國傳之李兌謂義曰公子棄拙  
而志驕黨衆田不禮之為人也忍殺而驕子矣  
不稱疾勿出義曰不可昔者主父以何屬義也  
曰毋變而度毋異而慮堅守一心以歿而世義  
再拜受命而籍之今畏不禮之難而忘吾籍變  
孰大焉進受嚴命退而不全負孰甚焉後竟死

於難

漢建德者趙幽王相也史失其姓景帝時王與  
國謀反建德與內史八王悍力諫不聽王乃殺

天後事平景帝乃封二入之子為列侯

晉高者趙王敖相也敖尚公主漢高帝過趙敖  
事之甚謹高帝殊慢易之貫高因此謀殺高帝  
事覺高帝捕趙王貫高獨白其寃已而高帝賢  
貫高赦之高不從竟死

尹勳字伯元河南鞏人也家世衣冠伯父睦為  
司徒兄頌為太尉宗族多居貴位者而勳獨持  
清操不以地勢尚人州郡連辟察孝廉三遷邳  
郟令政有異跡後舉高第五遷尚書令及桓帝

誅大將軍梁冀勳叅建大謀封都鄉侯

隋岑之象鄧州棘陽人仕隋為邯鄲令坐為人訟不得申其子文本年十四詣司隸理冤衆令作蓮花賦文成合臺稱賞遂得直

宋李譚宋州楚丘人為邯鄲令見其孫李冒齡傳中

李晦為邯鄲令真宗時人

金趙秉文磁州滏陽人幼穎悟讀書若夙習登天定二十五年進士第調安塞簿以課最遷邯鄲

本

元都文王洪武元年徐達等進攻邯鄲又王率者

老隆

苗澤懷孟人至元間為邯鄲簿政先愛民善革奸弊如議裁館傳之長夫革每歲稅賦之車戶其政多類此去任之日民感之為立碑焉

孟吉平陽人任邯鄲簿言以事如京條陳時政

以邯鄲地狹民寡且衝要供需甚冗凡一切車

輜夫役令武安縣幫貼十分之四其所議十二

事省部皆允行之民感其德為立惠政碑云  
完顏思明任邯鄲儒學教諭任皇慶年間  
張鐸任邯鄲儒學教諭任至正年間

國朝

知縣

洪武年間任

劉仲禮河南人 馮志弘建德人

李偉大同人

永樂年間任

袁本鳳陽人有善政 董襄陝西人  
蘇秀未詳何許人

景泰以前年間任

毋俊安四川人 楊春咸寧人 張瑛涉縣人

王泰平陸人 路振壺關人 李健拓縣人

劉憲太康人 茹鵬鳳翔人 李素陝西人

正任禮陝西人 司說長清人 步雲廣德州人

正統年間任

史善解州人由監生正統二年任以本縣衝要

請於當道者以成安肥鄉廣平協濟其善政多類此

天順年間任

董策毫縣人由監生 蔣琦無錫人由監生

成化年間任

劉翀汝陽縣人由監生城垣文廟多所修理

黃縉六合人由舉人 陳琦清源人由舉人

弘治年間任

孫鼎渭南人由舉人 趙弼太和人由進士

潘世爵德州人由舉人 盧鎔蘭陽人由舉人

鮮經醴泉人由舉人其人清介絕俗不山矯異

公署中妻子躬親確磴一日歸自郡道渴或以

瓜獻之偶因乏直竟飲水其操履多類此堂下

棗熟落地竟無敢拾者人往來堂下惟通一徑

餘皆茂草堂之上人吏肅然惟見屋鼠穿梁簷

禽啄硯而已人以是擬之包公云其他善政具

在去思碑記徃余道出醴泉訪其後人為詩以

吊其墓誠慕之也

正德年間任

于周灘縣人由舉人

張偉米脂人由監生公才識超卓器度弘偉蒞任甫及一年而百廢具舉正德六年流賊所至攻陷城邑特色城又甚陋公尅期脩築不一月而後成與夫百凡守禦之計靡不竭盡心力城東有趙王叢臺與城相通公恐賊據之窺我即於城中起樓一所與臺相敵賊至果登臺嘗我公令守樓者以火炮射之賊驚焉退已庶知城中

有備遂引去當是時城秋毫無恙者公之力也其事詳在修城記中

韓翹翼城人由監生

羅繪太安州人由舉人

劉維嶽武城人由舉人

嘉靖年間任

木繼先董仁人由舉人

趙時吉鳳翔人由舉人公性精敏絕人勿劇中

有暇豫瑣細中有條理即每日聽斷外猶能責

吏讀律學書考試諸生一切規矩皆准棘院已  
復為映貺盛樂以旌優者初望五鼓詣學與諸  
生秉燭講論時余在諸生中敢稱年少即當上  
宮臨蒞之時公館倉皇之地亦必出題命講蓋  
公之才愈倥偬則愈精明愈辛勤則愈健朗後  
言才吏者莫能及

沈麒咸盛人由舉人公瑰瑋有奇氣臨事不見  
倉皇而百廢具舉時

世宗南狩中書樞密須索公能與之面詆一時不

楊如絲新化人由舉人

潘子雨濟南人由舉人風儀秀偉而性資嫺雅  
又足以文之愷悌之政出自肺腑後以憂去民  
懷之弗置焉

馬琴龍陽信人由舉人性倜儻不羈好爲文文  
思迅發有英氣故其政亦似之

隆慶年間任

任宜忠大同左衛人由監生

高世雨原武人由進士其人精敏嚴毅令出而

民信之故能使民無玩心先是徭政不平積為  
民害公廉知府縣倉役及叢臺驛庫役經者破  
產乃以數人而肩一人之後其處大戶莫不皆  
然由是見役者不病焉逃戶荒地之糧里甲包  
納不前以致官民俱困乃一為調停而完者又  
出旬日至今催科易於往昔者誰之力也公之  
善政雖多若此類者又與利除害之大者也故  
特書之

西曆年間任

張第山東茌平人由進士公本以洪慈敏于任  
事外不炫赫上之名而民實受穰上之福如塞  
鄆米之水不避怨勞減薄地之徵蘇其疲困脩  
祭器以隆祀典表貞節以扶風教公之明德遠  
矣若夫議脩堤議稅糧議均徭議講院雖阻革  
未行而文獻足徵舉而行之存乎其人耳

余棟福建晉江人由舉人任未幾而卒

李廷彥陝西寧夏衛人由進士公初令大名以  
賢調邳其政並用寬嚴心孚士廉聽斷而人不

欺有禱而天遂應且品藻其精士類顧化遺愛  
旁浹口碑至今公府謂循吏非耶後擢爲御史  
去

霍徙教山東平原人由進士履任未久遽以憂  
去

蕭察河南汝陽人由舉人公亦由大名調邯鄲  
尚精明周悉民隱均糧能令逋逃者歸請賑則  
尙當事流涕民德若衆蓋民者多至於捐俸金  
以脩孔廟飭文會以課多士又其作人之量也

後擢刑部郎去

田奮陝西石泉人由歲貢先任本縣縣丞轉  
縣事

徐廷蘭浙江餘姚人由舉人

王釐土山東朝城人由進士

盧龍雲廣東南海人由進士

衛三省河南陝州人由進士萬曆十九年任

鄧雲臺湖廣祁陽人由舉人萬曆二十年任

縣丞

洪武年間任

王成不知何許人曾改建儒學創立壇壝

正統天順年間任

劉明歸德人由舉人

趙誠嘉定人

姜盤寧

海州人

葉慶壽章人

再資淇縣人

李俊

益都人

陸福德清人

三

成化年間任

畢震山陽人由監生震專理馬政能革徃弊民

甚便之且持身甚廉不通請謁服粗茹淡晏如也每年兩次赴京俵馬一毫無取於民時會知縣員缺邑民詣當道保堪繼任乃以憂去人無不懷之者 王昇固始人由監生 李成柳州人

牛偉東平州人由監生司馬政以廉介自持歷五載如一日後卒於官民為立祠於北門之外今廢 郭信太和人由監生 廖誠黃紀不知

何許人 王珍涿州人 郭亨登州衛人由監

生 郭英馬邑人

弘治年間任

何理稷山人由監生 喬寔猗氏人由監生

畢顯東平州人由監生 師哲寧鄉人由監生

孟時文水人由監生

正德年間任

馬龍膚施人由監生 王榮懷遠人 鄭璵雒

縣人由監生 鍾聲亮南城人

王廷璧沂陽人 宋玉德州人 周經舒城人

嘉靖年間任

李榮沁源人 張伯才朝邑人 郭文敬陽曲

人由吏員 王景濰縣人由監生 蔡汝臣壽

光人由監生 李東東昌人由監生 馮銳大

同人由監生

申恩清浪人由監生其人溫雅好文官休而不

去竟流落於此 邵清餘姚人 許東高東昌

人由監生 李津萊陽人由監生 張汝茂濟

南人由監生 張棟靈山衛人由監生 趙邦

佐翼城人由監生 李遷西平人由監生

丁鵬 人由承差 祖文淵泗州人由監生

屈直內鄉人由監生才守並著此丞之超然者

也

隆慶年間任

汪仕相婺源人由監生

陳大柱睢州人由監生

萬曆年間任

周于德高郵人由監生

胡澧湖廣羅田人由監生

吉應山西岳陽人由選貢

陳居業應天上元人由恩貢

徐澤河南寧凌人由恩貢

田畬陝西石泉人由選貢

馮元吉陝西洋縣人由選貢

王崇行陝西渭南人由監生萬曆十八年任

汪若淵徽州歙縣人由知印萬曆二十年任

李知柔

主簿

洪武年間任

雷慶即創建本縣衙門者

永樂年間任

王俊 李納 賈本

天順年間任

何友謀羅山人 王綬齊河人 王儀陽山人

成化年間任

段肅鄜州人由監生 李冕嶧縣人由監生

李海鄧州人由監生 黃最長寧人由監生  
曹誠延川人由監生

弘治年間任

李永 韓壘洋縣人由監生 光玉樂平人由  
監生 王祺府谷人由監生

正德年間任

劉臣延川人由監生 劉斌蕭縣人 李淮西  
寧衛人由監生

嘉靖年間任

李黼洛川人由監生 陳松蓋州衛人由監生

呂彬臨汾人由監生 王國卿延津人由承差

李霖聞喜人由監生其人貌侵而才倖高簡有  
大人之度嚴毅有法吏之虜虞一切勿剃而方  
寸開雅略無動勦困頓之色或歎其充直而以  
年老去其官士論惜之 李錦厓靈衛人由監

生 王應鳳靖虜衛人由監生 李思忠高平

人由承差 楊潛壺關人由監生

隆慶年間任

孫良臣膠州人由吏員 劉汝讀肥城人由監生

萬曆年間任

朱裳涇川人由監生

韓璜山西襄陵人由監生

賈漢迎河南永寧人由監生

張四科山東滕縣人由監生

金作鎧河南閿鄉人由監生

李根山西榆次人由監生

范廷彥山東歷城人由選貢

王所重河上寧人由監生萬曆二十年任

興史

正統至成化年間任

張彥明祥符人

甄榮濱州人

汪祥磁州人

竇通壽光人

師鉞

宋琮

孫鎮

不偉

程亨 孫仍

弘治年間任

張壽 丁誠武功人

王瑁洪洞人

正德年間任

張欽鄆縣人

趙文恭大同人

嘉靖年間任

樊直離縣人 許梅陵縣人

鮑相德州人器宇類儒者而才又通士民多愛

之 商士傑濟寧人 齊宗儒德州人 郭尚

古山西人 錢朝惠泰興人 章棟

隆慶年間任

李祿孟津人 朱貞當塗人 朱文林舒城人

萬曆年間任

蔡尚郡上元籍浙江太平人

王節南直合肥人

王階山西岳陽人

劉應宗河南南陽人

鄭國震廣東順德人

郭孟春河南汝寧府光州光山縣人

陳孟春河南文寧府汝州汝山縣人

慎國雲雲東鄆縣人

陳宗何河南南陽人

王雷山西岳陽人

王濟南直隸人

教諭

永樂宣德年間任

郭良華陰人 王徵輝縣人 楊翊蒙陰人

正統年間任

張達休寧人由舉人 盧昊潮陽人

景泰年間任

陳叔選泰和人由儒士

天順年間任

李顯高要人

成化年間任

曹瓚宣城人由舉人詩有可觀者至今傳之

郭孟堅扶風人由舉人造士有方而操履無玷

士心感服焉

正治年間任

潘銓遼陽衛人由舉人 崔達高苑人

正德年間任

徐釗延津人 唐昇普安衛人由舉人 翁縉

陽曲人

萬曆年間任

閻效儉岢嵐州人

竇守中山由舉人由歲貢

呂清河南臨漳人由歲貢

方育德江西貴溪人由舉人學問淵邃師模範

肅雖以憂去而諸士不无攀七於山斗之思云

趙登第直隸南宮人由歲貢

楊行之山西遼州人由舉人

宋位明廣東普寧人由舉人

訓導

永樂年間任

周子葛廬陵人由舉人

景泰年間任

姚俊英涉縣人由舉人

天順年間任

解經元城縣人由舉人

傅英通海衛人由舉人

成化年間任

陳信青田人 張成單縣人 楊景旬容人  
范銳應城人

弘治年間任

鄒誠德州人 張珪 人 周誠掖縣人

顏淳澤州人 鄭錦祥符人

正德年間任

董翰西安人 智隆武安人 許銳歷城人

馬瑞嘉祥人 楊祿壽張人

嘉靖年間任

李時鵬嘉祥人 胡鰲休寧人 汪洋襄城人

鹿進賢武城人

趙倫廣寧衛人 章旬頗熟講解有裨後進者

張元傑中部人 蔣崇孝范縣人

王佑東昌人家甚貧不責禮於諸生往余得之

鄉評亦甚稱之

毛東周蘭陽人 賈宗儒襄陵人

李東先東阿人 蘊籍頗富詩文有可觀者是學  
職之難得者也

唐韞衡山人 蘇世經曲沃人

胡沐用同州人 孫宗瑞尉氏人

些言夢龍濟南人

隆慶年間任

張輅屯留人 毛鳳儀常山人

萬曆年間任

李之秀滄州人 李向陽樂陵人

顏守芳直隸易州人由歲貢

蕭應黃湖廣黃陂人由歲貢

王之紀直隸南樂人由歲貢

周東河南浙川人由歲貢

李鼎山西山陰人由歲貢

申用恩河南磁州人由歲貢

宋一鵬直隸滑縣人由歲貢

崔宗孔山西潞安府長治縣人由歲貢

蔡竹直隸濬縣人由歲貢

蔡州直隸署錄人由嶽貢

崑崙山山西經安取身嶽錄人由嶽貢

宋一鯽直隸署錄人由嶽貢

中田恩河南嶽州人由嶽貢

李鼎山西山嶽人由嶽貢

同東河南嶽州人由嶽貢

王之臨直隸南樂人由嶽貢

邯鄲縣志第六卷

人物志

周李同本名談邯鄲傳舍吏子也。是時秦圍邯鄲急。同說平原君曰。君不憂亡耶。平原君曰。趙亡則勝為虜。何為不憂乎。同曰。邯鄲之民。炊骨易子而食。可謂急矣。而君之後宮。以百數。妾被綺縠。食梁肉。而民褐衣不完。糟糠不厭。使秦破趙。君安得有此。於是平原君選敢死之士三千人。李同遂與赴秦戰死。邯鄲得存。

左師觸龍趙武成王時人王新立太后用事時秦  
急攻趙趙求救於齊齊必以長安君為質太后  
憐少子不肯大臣彊諫后明謂左右曰復言長  
安君為質者老婦必唾其面左師觸龍求見太  
后盛氣而湏之入龍以婉言諷太后后悟遂以  
長安君為質於齊齊兵始出焉

毛公薛公趙之隱人也毛公藏於博徒薛公藏於  
賣漿家時魏公子竊符救趙十年不敢歸公子  
欲見兩人兩人自匿不肯見公子乃間步往從

兩人將甚歡悉日夜東伐魏魏使使者請公子  
公子不肯歸兩人乃往見公子曰公子所以重  
於趙名聞諸侯者徒以有魏也今魏急而公子  
不恤使秦破大梁而夷先王之廟公子當何面  
目見天下乎公子乃趣駕歸救魏

漢 邯鄲人宣帝時以言便宜至弘農太守

魏劉劭字孔才建安中辟劭拜太子舍人遷秘書

郎黃初中為尚書郎散騎侍郎受詔集五經群  
書作皇覽明帝即位出為陳留大守敦崇教化

百姓稱之徵拜騎都尉作新律十八篇遷散騎  
常侍劭嘗作趙都賦明帝美之詔作許都洛都  
賦皆諷諫焉時散騎侍卽夏侯惠薦劭曰伏見  
劉劭深忠篤思體周於數仞所錯綜源流洪遠  
是以群才大小凡所取同而斟酌焉故性實之  
士服其平和良正清靜之人服其玄虛退讓又  
學之士嘉其推步詳密法理之士明其分數精  
比意思之士知其深沉篤固文章之士愛其著  
論屬詞制度之士賞其化略較要策謀之士贊

其明思通微若此人宜輔翼機事納謀帷幄當  
與國道俱隆非世俗所常有也景初中受詔作  
都官考課七十二條又作人物志等書行於世  
賜爵關內侯

晉王烈字長休在晉時曾入河東抱犢山得二瓦  
室有素書兩卷烈不知其字不敢取頗譜十數  
字形體歸以示嵇叔夜蓋知其字烈大喜乃將  
叔夜往遂失石室所在

唐王君愕有沈謀隋亂王君廓掠邯鄲君愕往說

曰隋氏失御豪傑共救其亂宜撫納遺吐而保  
全之觀時變待真王是下但恣殘剽所遇失望  
竊為足下羞之君廓謝從其言及高祖入關與  
君廓偕來遂拜君愕大將軍封新興縣公從太  
宗征遼戰歿贈邢國公

王及善君愕子也以父死事授朝散大夫襲邢  
國公爵垂拱中歷司屬卿山東饑詔為巡撫給  
事拜春官尚書出為秦州都督益州長史神功  
元年契丹擾山東擢魏州刺史武后因問朝政

得失留拜內史勸誅來俊臣及密贊還廬陵王  
多其功也時二張怙寵及善數裁抑之后不悅  
遂乞骸骨云

得三則生  
弗得則死

元張之翰字周卿號西岩其先火山軍人金大定  
間伯祖進應進士舉將入山東至邯鄲卒因家  
焉君資性穎悟弱冠學業日進為僧代名流所  
獎予中統初洛磁路魯魯總管府辟充知事至  
元十三年選置真定撫管府知事明年被徵案  
一行川蜀適念陝西提刑按察司事十六年出為

山東東西道提刑按察司經歷尋拜行御史臺  
監察御史按臨福建行省二十一年以疾謝事  
僑居高郵臺者交薦二十四年立尚書省罷中  
書右相舉左司郎中未入省擢翰林侍講學士  
後請補外二十九年除知松江府以元貞丙申  
卒于官積官朝列大夫其子堃侍從皇太后奉  
命注易授翰林修撰君天資英敏優於吏治故  
所至有治績可稱所著詩文樂府三十卷有詠  
鏡中燈詩膾炙人口人稱為張鏡燈云

郭文祚字胤卿幼有奇操器宇沉正讀書績文  
為時輩推重授汝寧判官次授淮安路推官更  
宣授奉議大夫晉寧路潞州知州兼管本州諸  
軍粵魯勸農事

趙贊嘗從禮部尚書宣城貢先生師泰學後為  
先生序玩齋詩集

荀卿慎到公孫龍毛萇吾丘壽王李靈李孝伯  
李栖筠輩俱稱趙人或未必盡邯鄲出今止書  
其名氏而不詳其行業以俟博古者辨焉

國朝

張亨字伯達即成教五世祖也按家譜稱公事  
母至孝性質實通敏明經義曉書律器度宏偉  
不凡洪武十七年詔郡縣訪求德行聲名著於  
鄉里之人並驗言貌書判進呈是時公年方二  
十二歲本縣首以公聞授河南嵩縣知縣尋改  
山西石樓知縣兩地政聲卓異二十三年會實  
徵事連坐謫戍瀋陽衛至二十五年有隰州知  
州揚魯力薦公賢能異常罪出連坐情有可原

至二十三年復除長葛縣丞二十五年丁內艱  
未樂三年赴京是時

成祖欲知民間疾苦令吏部尚書凡郡縣有司至  
京者選擇通達治體之人留各衙門辦事令各  
言民疾苦公因此燬工部辦事以咨採訪云至  
六年復除文水縣丞十六年以九載考績未行  
卒於官公居官廉鯁端毅能抑強扶弱所在民  
頌之生於元至正二十三年卒於永樂十六年  
享年五十六歲余家有所藏真容秀偉超絕蓋

天道虧虎龍  
盈風雲  
鬼神益讓而  
害盈  
天地鬼神諒  
其有不得已  
之情也

是時士由此途出者實無選相貌不獨以其才也今張氏無間宗支遠近皆公之後其人績文勤禮不敢後於他人者實公之遺澤云

賈銓字秉鈞幼有美質醇謹真厚博通經史第永樂甲辰進士擢刑科給事中尋掌科事彈劾無所徇當道憚之假例舉出為雲南大理府知府公至任革去一切宿弊以興民利而冰傑之操愷悌之政聞於上下會征麓川興兵數年而大理當其要衝百需山馬而公區畫盡善事無

不集而民無或擾時靖遠伯王驥總督軍務力薦公陞雲南布政司右叅政仍掌府事尋陞左叅政已復又陞左布政使而一省之民夷受其惠咸頌之如出一口後數年陞都察院左副都御史巡撫山東未幾兼巡撫河南往來二省便宜行事軍民受惠無不感頌之者亦若雲南焉後以病卒事聞達官論祭造墳安葬謚曰恭靖士論榮之余嘗觀

皇明政文公以布政入

上賜宴以公為天下第一又觀開國名臣錄

李賢傳云

上將大用公問李賢賢以貌不稱名對蓋是時云  
部尚書缺

上欲擬用之竟以是言而止滑哉公敷歷中外數  
十年而略不為子孫營產業即所居宅第殆不  
踰中人余於是益可以觀公之不群矣

鄭銘字德新登天順甲申進士第授監察御史  
成化二年巡山海關繼巡陝西茶馬皆有

足用之略尋按蘇松等處擊會暴獎晉良伸寬  
抑聲振南畿時有嘉定賊越獄倡亂者乃率民  
兵勦平之陞山東按察司提學副使然以性不  
阿比有閹宦譖之左遷山西叅議復得直陞副  
使分守西安高洛等處尋陞布政司叅政未幾  
復陞右布政凡三擢皆在關中云後歸林下出  
入山水間寄情吟詠了不談世務矣公性高簡  
異常居不起樓臺出不假車馬晚年交游之士  
大半故園父老而炎涼之色略不少見邑侯試

諸生而公之子偶爾失意遭朴責公即趨公門  
謝之若此類者皆近世之所罕聞者也

張錫字天予成化間以鄉薦授揚州府同知專  
督糧儲至則剔宿弊治積逋正飛詭糧無壅闕  
稅額以清一郡賴之先是豪右收攬糧價率厚  
賂督儲者以圖緩解便於侵尅故民賦雖完國  
儲多闕泰興民仍前行貨所司府通判已有受  
其賂者公械其人寘之法且對察佐詈之通判  
汗下面如赭悉友其貨人知貨不行糧以特輸

前弊遂革且蒞下甚嚴吏胥有事之終任而未  
見輕笑言者自守以下率嚴憚之居官九載水  
壁之操一致秩滿之日行李蕭然見者嘖嘖嘆  
羨士夫多為歌詠贈之亦可見人心之公戴矣  
陸遼東行太僕寺少卿致仕今邯鄲祀之鄉賢  
祠此語出在揚州名宦志中余採而錄之於此  
觀鄉之賢者徵諸治民之口不亦益可信哉

謝景星字天瑞舉成化甲辰進士授永安令能  
禦敵憐奸鋤強禁暴乃不數月而百里一新後

以母憂去弘治甲寅改安東令治之亦如在來  
安時丙辰陞開封府同知專理清軍躬親荼疇  
募伍勾考宿弊屣革河南貢士試院故湫隘所  
司議拓大之而難於改作檄公領其事公心計  
手畫踰月訖工費雖多而民不擾乙丑擢知漢  
中府漢中山谷險阻流民多窟穴其間公編為  
戶籍俾主客俱得所府與衛相居一城武人素  
見侵侮公處之皆帖服其他治礮徒卸棧驛善  
政多類此譽方日隆偶以一病卒年四十七

公初舉於鄉也年纔十九耳其文章詩歌類非  
少年口至令人傳誦之

閻秉初字性之以鄉舉授汝寧府通判所司  
務甚簡不足以及公之才當道者數以大牒委  
之公剖決如流而繁無積牘人以此稱明正德  
六年薊盜起所屬無全城公奉總督彭公檄保  
禦光固諸州縣自參將以下皆受公節制公率  
其子民皞覲犯矢石獲賊首若干賊退允城池  
保全者非公所經畫則公之所守禦者也彭公

大奇其才力薦之公以外艱去矣去以憂病竟不起君子謂公齎志而歿豈天與之才而奪之數耶後彭公道出邯鄲時邯鄲令以禦薊盜有守城功士民為禦寇記頌之公獲覓焉乃嘆曰若閻某者其功豈在若令下哉公風神秀偉言論敏捷自為士時有司者踵門問政故一時因革利病多公之所區畫人以是德之蓋官箴鄉譽兩有不愧云

薛謙字益之以歲貢知陝之金縣愛民如子時

民有疾疫公為醫藥以療之活者甚衆其死無所依者為具棺以瘞之九年將滿陞浙江金華府通判催科不擾時大旱公率衆徒步祈禱未幾大雨如注頌聲交作致仕歸家利人濟物與父老結社時年九十吊送往來之禮猶不廢焉里之人莫不以長厚稱之

劉雲字從龍以歲貢為陝西華州同知同知責在督儲大戶歲以常例若干金以賂督儲者彼遂得緣此為奸公至痛革前弊賂者由是屏跡

公居官七年先後如一日謝政以來惟守先人  
雁田宅僅免寒餓而已先是公歲貢時里甲有  
常金官歛而贈之此百十年故事也公曰吾雖  
貧吾之分也敢重煩里甲哉竟辭之是公微時  
制行已如此蓋蘆介之性奉之天植是故無間  
隱顯始終一節云

張弛字戢武即成教父也父天性甚孝先大父  
以歲貢卒於京徃逆之七日不食毀祖母閻氏  
性甚嚴即戚里咸知之父與吾母陳氏事之甚

謹終日惟視喜怒唯諾之間動有鞭朴即鞭朴  
又未嘗不伏地受之時父與吾母行年將七十  
矣其伏地受杖亦如年少時成教嘗謂吾父可  
兼萊子伯俞之行嘉靖間以歲貢為即墨學訓  
後諭平遙學徃即墨士來言父以薦舉從祀名  
宦官卑行高其他多類此者不悉書

張棊字體周登嘉靖壬辰進士第授金壇令金  
壇為江南劇邑素稱難治公至祛宿弊布新令  
立劉漫塘之廟表張節婦之貞凡所以正人心

勸風俗者務以禮義激發之尋遭內艱去服除  
補河南之延津時值歲歉民窮盜起公賑救招  
徠賴以全活者甚衆鄰邑之盜相戒不入境已  
亥車駕南狩所過郡縣供費不貲而延津得  
免於困者皆公經畫之力也民為之謠曰前有  
長清張父後有邯鄲張母云三載奏最擢南京  
河南道監察御史清忠亮直凡上封事多所具  
草率五奉

勅按下江既然有攬轡澄清之志激揚得風憲體

壬辰夏歷潤感疾還京復命使道抵家卒於

正寢鄉人咸嘆之謂其克積其裕而厥施未普

云余少時聞公性質警敏書一覽輒成誦故能

力致青雲至此且公居官時無問他行卒不論

歲而宅中之煙火落莫然則觀人者何必復求

諸他哉

張繡字大錦今叅政國彥父也繡之父早歿歿

之日繡方三歲是時繡之祖母楊氏與其母趙

氏俱以孀居在室撫育繡漸長繡因念二母伶

行苦節乃與其妻鄭氏竭力事之即一蔬一果  
得之未敢先嘗母趙氏性又甚高事一不當意  
即不飲食繡泣而跪之必食後已繡有一弟幼  
多病母憂之令講玄學從道士游凡衣食藥餌  
皆取給於繡繡終不解於心復召還侍母終其  
身母卒時年八十餘然不可醫藥矣繡請醫調  
藥且日不解帶即中裙屨具亦躬自洗滌國彥  
既登第父每對泣曰安得二母見之其孝有如  
此後繡卒國彥時為給事乃述二母之節與其

父母之孝聞於朝下禮官議及奏稱楊氏著  
節在孝宗朝鄭氏雖以孝婦稱而故事孝婦  
無與孝子並采者故止旌趙氏之節與繡之孝  
云繡以子貴贈如其官其他行如居鄉睦族卓  
有可紀者此不悉書

賢淑志

周趙括母奢之妻也秦趙相拒長平趙信間言遂  
以括代廉頗將行其母上書曰始妾侍其父時  
為將身所奉飲食而進食者以十數所友者以

百數。王所賞賜者盡以與軍吏。今括一旦為將，東向而朝，軍吏無敢仰視之者。王所賜金帛，歸藏於家，而日視便利田宅可買者買之。願王勿遣，即有不稱，妾得無隨坐。後括果大敗，王以括母先言故不誅。

秦羅敷按崔豹古今注曰：秦氏邯鄲人有女名羅敷，為邑人千乘王仁妻。王仁後為趙王家令，羅敷出採桑於陌上。趙王登臺見而悅之，因置酒飲，奪焉。羅敷乃彈箏作陌上桑之歌，以自明。

趙王乃止樂府解題曰：古詞言羅敷採桑為使君所邀，盛誇其夫為侍中，即以拒之。與前說不同。若陸機扶桑升朝暉，但歌美人好合與古詞始同，而未異矣。古詞名曰陌上桑，一曰艷歌羅敷行，一曰採桑，一曰日出東南隅，行皆所以詠羅敷也。

陌上桑

日出東南隅，照我秦氏樓。秦氏有好女，自

名為羅敷。羅敷意，桑採桑城南隅。青絲為籠條，桂枝為籠鉤。頭上倭髻，耳中明月珠。細綺為下帶，紫綺為上襦。行者見羅敷，下擔持

髮，鬢少年見羅敷，脫帽著情頭。耕者忘其犁，耨者忘其鋤。來歸相怨怒，但坐觀羅敷使。君從南



鉤絲留提且脫金籠寫仍收  
使君留梁劉鏡南陌落花移  
便牽金怯舉多避小枝摘  
疲看南陌競相隨去後花叢  
神承朝日長髮微汗雜  
羨採繫釣手弱微春樓  
使君知陳後主春樓  
風金堦落向日玉軟  
聲葉高知手弱枝軟  
怯逢迎恐疑夫婿遠  
妾出房櫳結伴類花叢  
紅劍聲時動樹衣香  
細條空競採頭盈手爭  
誰與少年同陳賢徹  
旁綺裙映珠珥絲提  
及技長空勞使君問  
來南鴈歸白云西蚕遠  
安思紛何急客遊殊未

迓唐即大家生  
秦家採桑女樓上  
芳緜紅臉輝明  
憐春色同青絲  
息遙迤戀春色  
思悠悠使君  
唐劉希夷  
余愁那矜貌  
以辨真性幽篁  
葉綠條復柔盤  
野田白馬少在  
回顧良人在高樓  
豔歌行日出東南  
為下裙巾霞為首  
問女居安在堂  
重樞使君自南  
可開行車斯子  
長晚對使君言何殊使君自有

揚柳送行人青西入  
不勝春溫濕灑水曲步  
殊絳唇含白玉回首  
嬌落日細綺弄春風  
看花若有情倚樹疑  
陌頭相逢不相識歸  
桑畏日高不待春  
玉千金豈不贈五馬  
雪中綠唐彥疇  
雪去手近放下長  
看去手近放下長  
唐氏樓秦氏有好  
秦氏樓秦氏有好  
秦氏樓秦氏有好  
秦氏樓秦氏有好

婦賤妾有鄙夫天地正厥位願君改其圖晉傳

移翡翠林紫環日料陣照杏深併倦朱衣帳爭

驚散麝作微蓄二八秦樓婦三十侍中郎執戟

超冊地豐貂入建章未安文史閣獨結少年翳

驚孤貫葉影學劍動星芒翠蓋飛城曲金裝積

道旁調鷹向新帝彈雀往睢陽行行稍有極暮

暮歸蘭房前瞻富羅綺左顧足驚鴛鴦蓮舒千

氣燈吐百枝生滿野胡媚酒張多燒笑令

羅敷行城商日半上微步弄妖姿含情動燕俗願

若有願惟願茲花運梁蕭了還憶畏香機春風

南陌採桑時搥中結梳罷提筐候早期風輕鶯

韻緩霜洒落花運五馬沙長陌千騎絡青絲使

君徒遣信賤妾畏委機陳顧即已局中有好

女姓秦字羅敷巧弄每回盼髮髮與鏡疑膚脚

花教覆手穿州月味頭作墮馬髻河沈象牙

為之頗駟馬自脚蹶後魏高允

日出東南隅行扶桑升高輝照此高樓端高臺多

心清且閑美日揚玉潭蛾眉象翠翰鮮膚二何

潤秀色若可餐窈窕多容儀婉媚巧笑言莫春

春服成紫紫綺與紉金雀垂藻翹瓊佩結瑤璫

方駕揚清塵濯足浴水瀾鵲軒清風雲會佳人亦

何繁華南崖充羅幕北渚盈冷軒纖指彈悲歌吐清

響雅韻備幽蘭川管含九秋妍迹凌七盤赴曲

俯仰紛阿那顧步成可惜遺芳結飛颺浮景映  
清端治容不足詠春遊良可歎晉陸機柏梁  
冠南山杜宮耀北泉晨風拂愴朝日照閨軒  
美人卧屏席懷蘭秀瑞暉皎潔秋松氣淑德春  
景喧宋謝靈運朝日出那聊照我叢臺端中  
有傾城監顧景織羅紈延軀以纖約遺視若

瀾瑤莊映層綺金服炫彫樂幸有同匡好西仕  
服秦官寶劍垂玉具汗馬餘金鞍紫塲類轉雪  
迨控似騰鸞羅衣夕解帶玉釵暮垂冠梁沈約  
大明上沼迢迢陽城射凌霄光照窓中婦絕世  
同弱楚宮明鏡盤龍刻蒼羽鳳凰雕透施梁家警  
冉弱楚宮明鏡盤龍刻蒼羽鳳凰雕透施梁家警  
前暮四五年朝西橋忽逢車馬客飛採柔條出  
入東城里上下洛西橋忽逢車馬客飛採柔條出  
輟街衣鼠毛織寶劍羊頭銷丈夫疲應對從者  
君自上宮要漢馬三萬疋夫羣仕嫖姚擊囊虎  
頭緩左耳魚盧貂橫吹龍鍾管奏鼓象牙蕭十  
五張內侍十八賈登朝皆笑顏即老盡訝董公  
起深蕭子顯重輪上瑞暉西北照南威南威  
年二八開廊故重閣當墟送客去上苑逐春歸  
髯下珠勝月窓前雲帶衣紅結未解綠綺白  
難微陳後主朱城壁日啓朱扇青樓含恨不  
卿眸遠映陌上春桑葉斜入秦家細綺衣羅敷

妝粉能佳嚴鏡前新梳倭墮髻圓籠鬟掛青  
絲織鈎冉冉勝而行桂委錢山晚髮生愁忽逢使  
君南陌頭五馬停珂遺借問雙臉含頰特好羞  
妾婿府中輕小吏即今來往專城裏欲識東方  
千騎崑崙謔日暮紅塵起陳徐伯揚秦樓出  
佳釵正值朝日光陷頭能駐馬花塲後添香疎  
發深照晚星西口沒朝日東南隅陽窻臨王女  
蓮帳照金鋪鳳樓稱獨立絕世長所無鏡懸四  
龍網梳畫七星圖銀鏡明光絕世長所無鏡懸四  
絳道逢五箱客夾轂來相趁將軍多市蕝夫賈  
衝形模高箱照雲母壯馬飾當爐單衣火浣布  
好形模高箱照雲母壯馬飾當爐單衣火浣布  
利劍水精珠自知心所愛仕宦執金吾飛甍鹿  
翡翠繡補畫屠蘇銀燭附彈映鷄羽黃金步搖  
動簪綸兄弟五日時來婦高車竟道生光輝名  
倡兩行堂上起鴛鴦七十階前飛少年任俠輕  
年兩行堂上起鴛鴵七十階前飛少年任俠輕  
懸光入綺樓中有可憐妾如恨亦如羞深情出

豔語密意滿橫眸楚腰寧且細孫眉木未愁青  
玉旁富取雙銀渠可留會待東方綺遙居最上  
夢階虛思道昏昏隱遠霧團團乘陣雲正值  
秦樓女含嬌酬吏君同蕭蒿日出東方隈似  
從地底來屋天不入海六龍所舍安在哉其始  
與終古不息人非元氣安能與之久徘徊草不  
能謝榮於春風木不怨落於秋天誰揮鞭策驅  
四運萬物與歎皆自然義和義和汝奚泪淺於  
荒瀟之波魯陽何德駐景揮戈逆道遺天矯  
實多吾將囊括大塊浩然與溟津同科唐李白  
遊子悲折折黃河曲如舒絲徒照葵藿耳曾聞  
若木根不見奈何鏢石胡為銷人弄彎弓屬矢  
那不中足令久不得奔詎教晨光夕昏李賀  
北齊孝女王婉其父名子春與從兄長忻不諧齊  
亡之際長忻與其妻同謀殺子春舜時年七歲

有二妹粲年五歲璠年二歲孤苦寄食親戚  
舜撫育二妹恩義甚篤而舜陰有復讐之心長  
忻殊不為備妹俱長親戚欲嫁之輒拒不從乃  
密謂二妹曰我無兄弟致使父仇不復吾輩雖  
女子何用生為我欲共汝報復汝意何如二妹  
皆垂泣曰惟姊所命夜中姊妹各持刀踰墻入  
手殺長忻夫婦以告父墓因詣縣請罪姊妹爭  
為謀首縣官不能決文帝聞而嘉歎特原其罪

唐王氏武宗賢妃也年十三入宮中進號才人帝

不豫侍左右帝熟視曰朕不幸柰何對曰陛下  
萬歲後妾得以殉及大漸才人悉取所常貯散  
貽宮中審帝已崩即自經幄下當時嬪媛雖嘗  
妬才人專上者反皆義才人為之感慟宣宗即  
位嘉其節贈賢妃葬端陵之柏城

國朝

譚氏邑人郝經妻舉人榮之孫婦也年二十四  
歲孀居繼姑欲奪而嫁之氏誓死不從事之益  
謙謹撫孤幼以慈冰霜之操不渝鄉閭咸目之

曰郝節婦也嘉靖六年奉旨旌表年九十而  
卒

聶氏邑人于敏妻也年二十一歲孀居撫育遺  
孤于定終侍翁姑歷寒苦四十餘年卒時歲六  
十有七矣有司奏聞數實乃旌其門

汲氏邑人李舉妻年二十夫喪貧居守節始終  
不渝有司奏聞旌表

李氏名清兒邑人李鸞之女也幼許聘邑人彭  
大義為妻及笄大義遭癘疾翁姑感里諺以吉

冲凶之說。娶女過門時。大義疾已篤。女親侍湯藥。甫七日。大義歿。及窆。女望棺觸踊。志欲同死。不遂。後翁姑欲奪其志。女聞而涕泣。遂自縊。有司奏。聞乃立坊以旌之。

郭金玉者。鄉人郭學女也。時年十四。正德間。流賊至其家。獲女欲污之。女罵賊求死。賊愛其姿色。挾之馬上。女給賊釋之。遂自投井中。賊垂繩引之。女罵不從。賊下石擊殺之。

武香兒。三堤社民。武鎮之女也。年十六。美姿色。

正德間。避流賊。南走至張二庄。遇賊潛入空舍。自捲匿蘆箔中。賊啓箔強欲污之。香兒忿罵不從。為賊所殺。

趙氏者。邑人張勝之妻。勝卒。時趙氏年二十八。歲遺二子。繡給俱在提抱間。乃趙氏之姑。楊氏又以孀居在。處辛苦。備嘗形影相吊。趙氏携弱子。以事嫠姑。而家無擔石。人甚危之。乃卒能養姑。以終其身。而育子。俾有所成立。至此人咸危之者。反為趙氏賀。隆慶改元。繡之子國彥為給。

事得疏其行於

朝下所司覈實乃旌其門

劉氏邑人冀相之妻也相卒時劉氏方二十歲有子光美者僅六月冀家故不饒有田二十畝或利之乃嗾劉氏使改醮劉氏竟不從乃力持其子學舉業而光美遂補邑庠弟子員至隆慶四年光美之子一薦者以應試如京例得奏聞乃行所司覈實得堅坊以表之

許氏者邑人王天麒之妻也河南彰德人適天

麒時年方十九不一歲而天麒卒其翁國棟與其姑自計年老家貧許氏家遠且無子或不能養許志間微諷之輒泣楨不得已乃遣婦母家令其母諷之冀其或改母方一聞言即拂衣求去翁姑閱其年竟欲奪之許氏恐不免遂自縊家人覺之得不死徃余為士時言之御史歲給米布至隆慶六年有司具實以聞乃為堅坊表之

鄭氏者儒士張弼妻方伯鄭公銘之孫女也弼

卒時鄭氏年二十二歲有子成家纔數月鄭氏  
遭事繼姑而日在薪水紡績之間或憐其苦而  
微探其意鄭氏輒面赤而唾之至今年七十而  
紡績如昨其子成家者事鄭氏且孝鄭氏或有  
感而不食成家即跪而食之人謂天之所以報  
鄭氏者歟如此

王氏知城縣丞楊士先之妻其姑安氏有疾百  
瘡不愈王氏乃不令士先知夜半密禱於天願  
以身代已乃割左臂之肉以食其姑姑食而瘡

之疾遂愈鄉人以為孝感是時知縣于周聞之  
乃致禮嘉獎焉

任氏邑人巡檢任景暘之女也幼有殊質知大  
義年十七歸郝子津十九誕子未數月而津不  
幸夭矣時家徒四壁立也氏與寡姑相守日夕  
慮無以成夫志而明已節則抱遺孤泣泣繼之  
血必矢死靡他久之自為辭曰立孤與死孰難  
第令成郝氏之兒而事吾姑以天年終斯可報  
死者于地下矣孰與夫自經溝瀆而莫之知也

乃名其數月之孤曰烈。義托之。冀列成人。并喻已烈不二夫之操。云。時執婦道。以奉其姑。嚴母訓。以率其子。鄉人聞而嘆曰。卓哉女行。是節義與慈孝並全者也。有司及臺使者。累旌之。將以聞而表其閭。今年且八十矣。其長孫烈之子。大猷。以進士起家。為吏部尚書。即氏出入依之也。獨非樹德之食其報乎。

李氏張獻瑋妻。于歸後。克修婦道。夫故絕餼。者數日。既而曰。偕死固義。謂諸孤何。吾姑老矣。忍復遺其憂乎。你則祇事。俯則教育。姑病日夕。侍側。藥必親嘗。動必躬扶。至經累月。姑每呼必曰。孝婦。諸子下帷。必躬自績紡。以勵其志。脩極艱苦。蓋四十年。長洞中。丙子舉人。次獲登。庚辰進士官御史。季淑邑增生。諸孫十數。多為時髦。人咸謂孝節所致。病革之際。諄諄以勤儉孝敬為諭。遺令母作浮屠事。尤婦人所難。

補前刻李氏名清兒 御製詩聯

詩

未識夫面繼夫亡。不比尋常兒女行。白髮猶然  
段晚節。紅顏何苦棄春光。魂飛天上星辰冷。魄  
落人間草木香。朕決不置輕易酒。只為萬古振

綱常。 附聯

一時志節高千古。 百倍光輝耀萬年。

邯鄲縣志第七卷

選舉志

按洪武四年已開進士科至十七年又詔天下郡  
縣舉人才務須會同境內耆宿長老訪求德行聲  
名著於鄉里之人並驗言貌由判方許進呈若不  
公同精選者坐以重罪由是士由此途出者所至  
多有卓立云

人才

張亨字伯達授河南嵩縣知縣詳見人物志

趙鼎字騰霄授山東布政司理問陞西安府通判再陞禮科都給事中官至山東按察使會事政事疎逆致仕卒於家

楚安禮任本縣儒學訓導

楚曾字希顏安禮之子任左軍都督府斷事調

福建按察司經歷復除湖廣按察司經歷陞工

部郎中鯁介廉能卒於官

譚彬字文質任蕪湖縣知縣秩滿遷泉州府市

舶局提舉使尋陞南光祿寺署正鈞州同知歷

陞序班廉介有為卒於家

康毅任泰興縣主簿陞山東都司副斷事復除

湖廣都司尋改賓州稅課司大使所至有守卒

於家

國朝科貢題名記耶鄒古楚會漳澄東眾崇葛

不著夷攷往哲行才和器以律陸赫真有以起

人附辭之思易名而慕者我

成祖文皇帝定開薛京耶為作南百輔善我核樓

聖化釀成之有自也荷與休丙辛未秋余承乏遊

先師廟旋視學宮見科貢題名石在堂壁間懼其久

而易湮也遂謀勒之堅眠  
之富且令升斯堂者知所  
趙地多豪傑雖微是知其  
觀法者乎行况緒前脩而  
繩繩于茲矣爰虛左  
方以俟來者張第撰

科目

張澄永樂乙酉科任五臺學訓導

武戡永樂戊子科任聞喜縣主簿

金貴永樂甲午科登夷戎進士第任行人

賈銓永樂癸卯科登甲辰進士第官至左副都

御史詳見人物志

李泰宣德丙午科任掖縣訓導

郝榮正統辛酉科任定州訓導

安永正統甲子科官至瑞州府知府居官甚廉

卒於任不踰歲而其子一貧如洗云

鄭銘景泰癸酉科登天順甲申進士官至右布

政詳見人物志

張錫訓導晉之子景泰癸酉科官至行太僕少

卿詳見人物志

謝景星縣丞賓之子成化庚子科登甲辰進士

官至漢中府知府詳見人物志

安郁成化庚子科任舒城縣知縣丁外艱復除海門縣知縣秩滿陞晉寧州知州其政慈祥愷悌爾至人感之

閻秉初弘治壬子科汝寧府通判詳見人物志王賢弘治戊午科任孝感縣知縣其人蘆介剛明奸頑無敢肆其惡者

孫修弘治辛酉科登乙丑進士第官至右副都御史邯鄲人為順天府學生

趙廷松弘治子科任沁源縣知縣後改石州判官兩地民稱健訟而所至以寬御之故其民亦興政相狎而無甚梗化者

高光柱正德丁卯科任蓬萊縣知縣卒於官其人性鯁介而一毫無取於民身沒未幾妻子不免寒餓云

張棐少卿錫之孫正德己卯科登嘉靖壬辰進士第官至御史詳見人物志

安如岡知州郁之孫嘉靖壬午科歷官同州霍

州知州晉府 藩府長史所至有政聲或以  
飛語中傷之謫戍遼左

蕭韶嘉靖戊子科任代州知州州故稱難治而  
能以平易慈良御之故與民甚相宜居一年而  
以他故改河南府通判不久卒於官

陳銓嘉靖辛卯科任禮部司務歷官四年而勤  
謹如一日不幸以疾卒於官人甚惜之

張性深嘉靖丁酉科任沛縣知縣尋陞兗州府  
同知值丁內艱未赴任服除補萊州府同知復

陞南京戶部員外進本部郎中

張成教教諭弛之子嘉靖癸卯科任日照縣知  
縣尋改大同府學教授陞鞏昌府通判以子一  
舉貴封奉訓大夫安樂州知州其人慷慨直率  
有燕趙遺風少聞孝友居官耿介不習逢迎卒  
賦歸來迺博極高才而善屬文喜吟咏則不以  
老而失明廢也所著有詩文若干卷藏于家及  
邑乘其所續脩云

孫光先嘉靖己酉科任絳縣教諭尋陞湯陰縣

知縣陸鳳翔府通判

劉闕嘉靖壬子科任寶雞縣知縣改淮安府檢  
校尋陞夏津縣知縣

張性淳縣丞鉞之子嘉靖乙卯科任嵩縣知縣  
陞安樂州知州

張國彥嘉靖戊午科登壬戌進士任襄陵縣知  
縣行取兵科給事中遷戶禮二科都給事中陞  
山西叅政丁內艱復除浙江叅政陞陝西按察  
使轉本省右布政陞江西左布政尋陞順天府

張一德萬曆丙子科登丁丑進士任長子縣知  
縣丁外艱而卒

馬壯萬曆丙子科任博興縣知縣見任

郝大猷萬曆己卯科登庚辰進士任濟南府推  
官陞吏部稽勲司主事轉考功司員外郎見任

張我續都御史國彥之子萬曆己卯科登庚辰  
進士任嵩縣知縣行取選禮部儀制司主事丁  
內艱復除本部見任

冀光祖萬曆己卯科

張我繼都御史國彥之子萬曆壬午科

張我繩都御史國彥之子萬曆壬午科

張我慈萬曆壬午科

冀光祚萬曆戊子科

李大節萬曆戊子科

張毓瑋都御史國彥之孫舉人我繼之子萬曆

戊子科

府尹轉右副都御史撫治鄭陽尋以原官總

順天陞戶部右侍郎轉本部左侍郎總督倉塹

陞右都御史兼兵部右侍郎總督薊遼保定軍

務見任

郭宗賢嘉靖辛酉科任文水縣知縣丁外艱復

除延津縣知縣行取選南京雲南道御史陞山

西按察司僉事丁內艱復除陝西臨鞏兵備僉

事見任

張煌御史棐之子嘉靖辛酉科任朝城縣知縣

陞蔚州知州

陳淮訓導道之子嘉靖甲子科

李若隆慶丁卯科任涇川縣知縣卒於官

趙來聘歲貢鉞之孫隆慶丁卯科任和順縣知縣

裴希孟隆慶丁卯科任汜水縣知縣丁內艱復

除芮城縣知縣陞慶陽府通判

邢魯隆慶庚午科

實嘉慶萬曆癸酉科

按本府成化間志有府學生馮王者中永樂癸卯科按嘉靖間府志王怡中甲午科俱邯鄲人因附於此

歲貢

劉奎任兵科給事中陞戶部郎中 郭弘任戶

部主事陞刑部郎中 杜善任涇縣知縣 郝

瑾任太原縣知縣 張輓任無錫縣知縣 郝

儒任鎮夷衛千戶所吏目 張粹任文水縣知

縣 王亨任舒城縣知縣 楊貞任山東縣知

縣 郝澤任霍州同知 郭珣任三河縣主簿

張純任巡檢 蕭鳳任高陽衛經歷 郝忠任

榆次縣主簿 陸英任雲南府照磨 楚善任

龍州判官 楚鑑任巡檢陸翼城主簿

宿禮任貴州長官司吏目以上俱宣德以前貢

米珍 謝敬任安陸州吏目 張晉知縣亨之

子任青州府學訓導 趙約僉事翔之子任廣

寧衛學訓導 郭惠任寧國府知事 張方任

鈞州吏目 張鑑以年貢任兗州府倉大使

譚諒任大興左衛經歷 趙普任 慶府奉天

副 李春 郭璠任 代府奉天正以上俱正

統年間貢

郭琰任溫州府知事 李璜任洛川縣知縣

高颺任澧州吏目 馬健任桐廬縣丞 楚珪

知事 李茂任定遼 衛經歷以上俱景泰年間

貢

李純任蓋州衛經歷 高瓚任昌邑縣主簿

張麒知縣亨之孫任同官縣丞 張梅任徽州

府檢校

裴鑑以年

貢任陽和衛倉大使

傳

智以年貢任山西主簿

李英以年貢任海寧

衛經歷

申文以年貢任草場大使

田昱以

年貢任山陰縣丞

傅金以年貢任引禮舍人

陳賡以年貢任歸安縣主簿

楚祥以年貢任

涇縣主簿

郝章任繁安縣丞以上俱天順年

間貢

謝賓吏目敬之予以景星封同知任沂水縣

丞

田柰

玉傑任

沂水縣主簿

李盛任大

同府通判

張紀任

衛經歷

張欽

安宣任

絳縣學訓導

韓淇任泗川判官

韓忠任魚

臺縣丞

閻瑞任

潘府審理

郭鑑以上俱

成化年間貢

薛謙任金華府通判見人物志

李本任上林

苑監錄事

賈贊任東昌府經歷

賈琦任遼

東衛經歷

趙鉞

賈環

杜俊任無錫縣學

訓導

劉雲任華州同知見人物志

申軌

馮文任經歷

段謙以上俱弘治年間貢

賈樞任廣昌縣學教諭 劉經任館陶縣丞

張璉知縣亨之孫即成教之祖卒於太學 郭

銘任 學教諭 郭宏任平原縣主簿 李

仁 任奉 郭鎔任屯留縣丞 馬圖任新城

縣主簿以上俱正德年間貢

謝景陽縣丞賓之子任肥城縣學教諭 閻彪

溫珪任南府訓導 陽生先任郊城縣丞 張

鉞任招遠縣丞 賀永隆任保德州學訓導

劉彥魁任蒲縣學教諭 李永吉任五臺縣學

### 教諭

謝應充知府景星之子

張弛歲貢璉之子即成教之父任平遙縣學教

諭見人物志

陳道主簿賈之孫任榆社縣訓導

曹璜任孟縣學教諭

李萬鍾任 吏目

賈繼祀任彰德府學訓導

楚士忠

李永賢任廣西府經歷

王國瑞任果化吏目

張文光任芮城縣學教諭

張文奎任莊浪衛經歷

賈瑚任德府教授

安如松任浙川縣學教諭

王澤任商水縣學訓導

蔡穆任沔縣學教諭

謝植知府景星之孫任太原縣知縣

裴棟任莘縣學訓導歷陞太原府學教授

以上俱嘉靖年間貢

張一舉通判成教之子任慶陽府通判陞安樂

州知州轉平涼府同知陞魯王府長史

張三謨教諭文光之子由選貢任金州同知尋

改霍州同知陞慶陽府通判

宋希祁任杞縣學訓導

宋希文任吳縣縣丞

以上俱隆慶年間貢

謝遇典簿應充之子由恩貢任當陽縣學訓導  
歷陞蒲州學正鄖陽府學教授

韓范

賀永壽萬曆元年歲貢

陳濯任濬縣學訓導

冀一薦

康學曾

劉萬監生絃之子

劉濶

張宗尹舉人思明思行之父由濬縣訓導陞金

縣知縣

裴瑤在

以上俱萬曆年間貢

郭宏任刑部主事

余義任都督府經歷

杜善任南京兵馬司指揮

以上俱府學

小書卷中問貢

...

例貢

趙瀛僉事翺之孫任寶慶府照磨

蕭庸

李強任

吏目

李經

安元祿任衛經歷

安元祿任平遙縣丞

汲時學任僕州吏目

王以政任沅州吏目

賈世爵任萊州府知事

王世卿縣丞傑之孫任岳州府照磨

岳綸任滋陽縣丞

韓天叙

郭錄

郭憲

趙庭梅照磨瀛之子任丘縣主簿

劉絃

劉繼

閻民熙通判秉初之子

張杲少鄉錫之孫

趙黯知縣庭松之子

趙默任潞安府知縣庭松之子

謝應充知府景星之子任國子監典簿

蘭吏目時學之子

孫應時任漢中府照磨

姜鑰任雲南經歷

郝鰲任鞏縣縣丞

張棟

王嘉相任魚臺縣主簿歷陞江寧縣主簿 崇  
府工正

岳淮縣丞綸之子任獲嘉縣主簿陞德平縣丞  
王嘉寶照磨世鄉之子

李學

宋臣任陝西都司斷事

聶尚勤任繁峙縣縣丞陞 唐府典寶

劉楠任長青縣主簿陞秦興縣縣丞

宋一槐

劉泮縣丞經之孫任洪洞縣主簿歷陞韓城縣

縣丞 鄭府典寶

孫應吉

張一槐郎中性深之子

張一木知州性淳之子

孫承芳通判光先之子

張汝魁

李志尹由本學生任 鴻臚寺序班

李萃

李孔珍序班志尹之子

李孔問序班志尹之子

余師唐

宋弘毅縣丞希文之子

郝大壯

尚書國考孫任浙江益運司判

封贈

賈濬以子銓貴景泰五年 誥贈為通奉大夫

雲南左布政

賈仕誠以孫銓貴景泰五年 誥贈為通奉大

夫雲南左布政

張晉以子錫貴 勅贈為奉議大夫

揚州府同知

謝賓以子景星貴 勅贈為奉議大

夫開封府同知

古頁編 卷之三 四

張翰以子棐貴

年

勅贈為文林郎延

津縣知縣

張繡以子國彥貴隆慶三年 勅贈為徵仕郎

兵科給事中萬曆十一年 誥贈為通議大夫

都察院右副都御史萬曆十六年加贈為資政

大夫都察院右都御史兼兵部右侍郎

張騰以孫國彥貴萬曆十一年 誥贈為通議

大夫都察院右副都御史萬曆十六年加贈為

資政大夫都察院右都御史兼兵部右侍郎

張鈞以子性深貴嘉靖四十五年

勅贈為奉

政大夫萊州府同知

張成教以子一舉貴萬曆十四年 誥封為奉

訓大夫安樂州知州

郝烈以子大猷貴萬曆十二年 勅封為文林

郎濟南府推官

郭文科以子宗賢貴萬曆十二年 勅贈為文

林郎延津縣知縣

廢

賈瑜都御史銓之子成化年恩廕入監任安慶府知事

張我緝都御史國彥子萬曆年以考績恩廕入監任南寧知府

張碧塘都御史國彥孫萬曆十六年以闕邊恩廕入監

邯鄲縣志第八卷

雜事志

邑名

邯鄲按漢書地理志張晏注云邯山名鄲盡也往  
余由隴上以歷秦晉之墟見太行綿亘千里支  
分脉衍東抵武涉乃知山至此而盡者蓋指太  
行言也古稱邯鄲為漳河間一都會肘翼太行  
背沃洛水豈不勝哉余嘗逆想全趙之時區域  
秀朗人物軒昂是故相如抵掌而九原之豪客

低顏頰牧揚眉而五陵之放人泚頰泰關百二  
猶誇返璧之雄楚地五千尚記捧盤之誓由是  
大家借以為姓如邡鄆淳之類是也高人慕以  
為名如李邡鄆之類是也君子觀其芳麗則曰邡  
邡鄆道而王孫公子乘馳驅聽其聲歌則曰邡  
鄆行而墨客騷人飛翰藻余不佞略採古詩數  
章有關邡鄆者聊附於茲期與四方慨不群  
之士豪宕軼世之夫相與長歌以鳴一方之勝  
焉

名都篇

古注云名都者邡鄆之類也以刺時人名

鮮多妖女京洛出少年寶劍直千金被服光且

過我前攬了捷鳥鋪長驅上南山左挽因右發

稱善象工歸戎如婦來宴平樂美酒斗十千瞻

鯉鵬胎鯨地盤炙熊蹯鳴儔肅匹旅斗坐竟長

筵連船擊鞞壞了捷惟萬端白日西南馳光

景不可攀雲散還城邑清晨復來還魏曹植

趙瑟曲

邡鄆奇弄出文粹紫絃急調切流徵玄鶴

邡鄆行

趙女擬鳴琴邡鄆紛躡步長袖曳三街熏

欲牽任叢臺日  
已暮齊陸厥詩

邯鄲歌回顧瀾陵上北指邯鄲道短衣

邯鄲才人嫁為厮養卒婦生平宮閣裏出入侍丹

蛾眉初別意未解去久日生悲願領不自識嬌

羞餘故姿夢中忽彷彿言承燕私齊謝悲

凋歎一辭玉階下去若朝雲淡每憶邯鄲城深

宮夢秋月居王不可見

邯鄲郭公歌樂府廣題曰北齊後主高緯雅好

敗果營邯鄲謂周帝太祖子也高罔後主姓也

語妖也武成邯鄲郭公九十九枝兩漸盡入滕口

不信吾言時當有歲在酉

邯鄲郭公辭金芬悲故曲已塵積深塵言是邯鄲

向鶴營春唐溫河州還

邯鄲宮人怨邯鄲陌上三月初暮行逢見一婦人

好顏色八歲無傳信五歲為門婦如七歲半草

五香樓學歌我君駐馬春日梳安斷腸不用

城南使君婚小水三待中梳安斷腸不用

水精簾箔雲母窠啼曉代謂來歲連洞房

奉權真嬌貴榮華誰不美恩情莫比陳皇后寵

不見誰言一朝後一君王棄莫知金屋更衣人

邯鄲宮人怨



御其後世蜚廉生季勝季勝生孟增孟增生衡  
父衡父生造父造父幸於周繆王乃賜以趙城  
由此為趙氏自造父以下六世至奄父生叔帶  
叔帶事晉文侯始建趙氏於晉國叔帶五世而  
生趙夙夙生共孟共孟生趙衰衰生朔朔生武  
即趙氏孤兒程嬰所立者武生景叔景叔生鞅  
是為簡子簡子舍長子伯魯而立無卹是  
為襄子襄子生五子不立而乃立伯魯之孫曰  
浣者是為獻侯獻侯卒子烈侯籍立始與韓魏

三分晉地而有之烈侯卒弟武公立武公卒乃  
立烈侯太子童是為敬侯敬侯始自中牟徙都  
邯鄲中牟在湯陰牟山下非鄭之中牟敬侯在  
位十二年子成侯立成侯在位二十五年子肅  
侯立肅侯在位二十四年子武靈王立武靈王  
在位二十七年舍長子章而傳國於少子何自  
號為主父李兌殺公子章圍主父於沙丘宮餓  
死子惠文王立即名何者在位三十三年子孝  
成王立孝成王在位二十一年子悼襄王立悼

襄王在位九年子幽繆王立幽繆在位八年滅  
於秦趙自敬侯至幽繆王都邯鄲者九八世共  
一百五十九年

附西漢趙世家秦既滅趙至二世而天下亂由是  
武臣自立為趙王尋見殺漢高祖起乃立張耳  
為趙王張耳卒子敖立敖尚公主以其臣貫高  
得罪高祖廢為宣平侯乃徙代王如意為趙王  
如意者戚夫人子也高祖崩呂后徵如意至長  
安鳩殺之孝惠元年乃徙淮陽王友為趙王友

諸呂女為后弗愛太后召趙王置而不見  
王餓乃歌曰諸呂用事兮劉氏危迫脅王侯兮  
強授我妃我妃既妬兮誣我以惡讒女亂國兮  
上曾不悟我無忠臣兮何故棄國自決中野兮  
蒼天舉直吁嗟不可悔兮寧蚤自財為王而餓  
死兮誰者憐之呂后絕理兮託天報讐趙王幽  
死徙梁王恢為趙王太后以呂產女為王后王  
有愛姬后毒殺之王乃為歌詩四章令樂人歌  
之王悲即自殺太后乃以呂祿為趙王及呂祿

誅文帝乃立趙幽王友之子遂為趙王至景帝  
特與吳楚謀反漢使酈寄擊邯鄲遂自殺乃徙  
景帝之子廣川王彭祖為趙王彭祖薨子頃王  
立頃王薨子懷王立懷王薨無子宣帝立其弟  
為哀王哀王薨子共王立共王薨子隱王立王  
莽時絕余按西漢以後王趙者蓋世世有之但  
其間雖有封號而實未之國者雖之國而未必  
盡在邯鄲者雖在邯鄲亦有遷徙無常者故自  
西漢以後皆不書特書此者以明邯鄲之有

王不獨戰國時為然也乃今趙王故蹟所在十  
人一槩指之以為戰國時物可盡信哉

邯鄲步按班氏叙傳昔有學步於邯鄲者曾未得  
其彷彿又遂失其故步遂匍匐而歸又按莊子  
秋水篇壽陵餘子學行於邯鄲未得國能又失  
其故步矣

邯鄲酒按許慎語莊子云楚會諸侯魯趙俱獻酒  
酒吏怒趙乃以薄酒易趙厚酒奏之楚以趙  
酒薄故聞邯鄲淮南子曰魯酒薄而邯鄲圍

邯鄲書按百川學海云邯鄲李氏其家所藏書目  
足以與秘府敵視叅政蘇公宣獻宋公文忠歐  
陽公丞相蘇公宋公兄弟為尤盛

邯鄲姬即呂不韋獻之異人

邯鄲蓋後魏宣武時詔令邯鄲置竈煮鹽

邯鄲夢即呂翁夢盧生者詳見古蹟志

鈞天夢按史記趙簡子疾七日寤謂大夫曰我之  
帝所甚樂帝告我曰與鍾磬并於鈞天廣樂九  
奏萬舞不類三代之樂報帳且人心有一熊

來援我帝命我射之中熊熊死又有一羆來我  
又射之中羆羆死帝甚喜賜我二笥皆有副吾  
見兒在帝側帝屬我一翟犬曰及而子之吐也  
以賜之帝告我晉國且世衰七世而亡嬴姓將  
大敗周於范魁之西而亦不能有也今余思虞  
舜之勳適余將以其胄女孟姚配而七世之孫  
董安于受言而書藏之他日簡子出有人當道  
辟之不去從者怒將刃之當道者曰吾欲有謁  
於主君從者以聞簡子召之曰謔吾有所見子

晰也。當道者曰：屏左右，顧有謁。簡子屏人。當道者曰：主君之疾，臣在帝側。簡子曰：然有之子之見我，我何為？當道者曰：帝令主君射熊與羆，皆死。簡子曰：是且何也？當道者曰：晉國且有大難。主君首之，帝令主君滅二卿，夫熊與羆皆其祖也。簡子曰：帝賜我二笥，皆有副，何也？當道者曰：主君之子將克二國於翟，皆子姓也。簡子曰：吾見兒在帝側，帝屬我一翟犬，曰：及而子之長，以賜之。夫兒何謂以賜翟犬？當道者曰：兒主君之子。

武靈王夢見虞文鼓琴而歌詩曰：美人煢煢兮，願若蒼之榮。命乎命乎，曾無我羸。異日王飲酒樂，數言所夢想，見其狀。吳廣聞之，因夫人而納其女娃，羸孟姚也。孟姚甚有寵於王，是為惠后。乃生子何，先是武靈以長子章為太子，後得吳娃愛之，乃廢章而立何，遂傳國於何，自號主父，而以肥義傳何。及吳娃死，愛弛，乃憐故太子章，欲兩王之。猶豫未決，李兌等乃殺公子章，圍主父於沙丘宮，餓死。余按武靈在諸王中，獨稱雄傑。

今觀胡服騎射問對一篇其高才博識足稱偉  
辨而竟不得其死此無他廢長立少也或謂此  
與簡子何異余以為伯魯之賢不及無卹簡子  
舍長立少者公心也愛其母而及其子武靈舍  
長立少者私意也此其所以不同然則武靈之  
死子何可以無罪乎何不討賊而恬然與之相  
安以春秋之法誅之何之罪豈在桓宣之下乎  
雖然一夢卜於七世之先武靈雖欲不死也胡  
可得哉

也翟犬者代之先也主君之子且必有代及主  
君之後嗣且有革政而胡服并二國於翟簡子  
明其姓而延之以官當道者曰臣野人致帝命  
耳遂不見修簡子像序。自開闢來地平天成。五臣之功居最。而天之報德者不薄。  
禹以身稷契以子孫。玉臯陶之六蓼。雖成而  
李唐後王至。於伯益。人知其及秦皇。而始集大  
統之為。膺天眷也。抑知分派於中。衍者數傳。而  
有趙之顯名。羣實可述。而志乎季。勝孟增。而後  
其積累。仁德。續承。祖緒者。不一。世。至簡子。而特  
著納周王。先晉盟。其功之大者。乃若謙德。尊光。  
思周舍之諤。諤。賞尹鐸之增。壘。田蝶。即還。而馳  
茲敢賀。驟。肝。鳩。雀。仁。心。仁。聞。可以。警。達。上。帝。者  
多端。一。日。胡。胡。然。有。鈞。天。之。造。而。知。七。世。之。休  
烈雄。于。戰。國。百。六。十。年。其。承。天。之。佑。可。不。謂。篤

與穆公曰帝所甚樂。簡子曰帝所甚樂。何其與  
秦同。而與秦同。發耶。其或者伯益在帝左右。  
克開厥後。耶。惟德動天。無遠弗届。益之所  
其然乎。抑有說焉。天之報德。其遲久者。愈  
數百年。配天而有下土者。有求。又安知非  
之奕葉。而伯益之積德。所致耶。夫益之德。少  
于秦。再嗣于趙。是又可為尚論宋史之一嘆也。  
余在此。邦追慕先烈。以為九我士庶居趙之上。  
食趙之德。自先世高曾來。舊矣。祈各本忠孝之  
心。莫厥帝居。表厥威儀。弗遏佚前人光。庶神靈  
有所馮依。人民有所觀感。敬天率祖。其於人心  
風俗。未必無天禔云。邑令閻中梁御。為  
鈞天夢。味無天禔。積德遠。光飄渺。招遊樂帝  
鄉。應手雙熊。威烈動心。九奏韻鏘。鏘佳兒佳  
婦。承宗祀。易服易騎。拓國疆。忽見野人來。致命  
追維遊。慶不勝狂。梁御。與。會。聞黃帝華胥  
夔簡子何錄到帝鄉。腕內熊羆。皆辟。游。耳中音  
韻尚鏘。鏘鏘。應知筭副。開先德。果爾兒孫。大土疆。

孝成王夢按史記孝成四年王夢衣偏聚之衣。乘  
飛龍上天。不至而墜。見金玉之積如山。明日王  
召筮史占之。曰。夢衣偏聚之衣者。殘也。乘飛龍  
上天。不至而墜者。有氣而無實也。見金玉之積  
如山者。憂也。後三日韓氏上堂。等背秦而駭地  
於趙。秦以是怒趙而戰於長平。坑趙卒四十萬。  
盖其應也。

武靈冠按胡廣說曰趙武靈王効胡服以璫飾首  
前搖貂尾秦滅趙以其冠賜近臣



諄諄。宋明謨商前令。○榻榻趨遊上傍。諸吉答葵香。彎弓連控宜威遠。奏樂九成。流韻長國。運崇隆。機預露家。丕振示偏。詳應知厚德。胎誥遠。千世咏歌。樂未央。房宜化春元。聞說鈞天樂事繁。參回猶記過天門。雲兒吹笛。雲英舞。熊子傷弓。翟犬存。傳代先為謀。易服。貽孫。與擇文。鸞晨朝。野老。兜車。說德。樹由來。撞有根。房占熬。春元。鈞天之。夢。夢何奇。陸地。乘雲。謁帝。墟。諸佛。詳仙。執弓矢。瑤童。素女。供歌。吹。須臾。變態。應弦。絕。天機。試與。英。誰說。若家。宵。媛。若。家。男。誰氏。方興。誰氏。成。後。律。何。事。時。明。書。藏。猶。侯。問。青天。元來。大德。膺。天。卷。野。老。分。明。伏道傳。王起。元春。元。道。進。五。日。蝶。為。莊。借。役百神。親帝鄉。樂度宮商。雲外曲。舞翻霓羽。月中裳。言言貝闕。擁仙侶。藹藹天言出。上方。訪慶。咸符當道命。應知駁德格。穹蒼。再應昌。康生。

天道  
無故莫

事也。聖人觀鄉而順宜。因事而制禮。所以利其民而厚其國也。夫剪髮文身。錯臂左衽。甌越之民也。黑齒雕題。却冠絛紉。大吳之國也。故禮服莫同。其便一也。鄉異而用便。事異而禮易。是故聖人果可以利其國。不一其用。果可以便其事。不同其禮。儒者一師而俗異。中國同禮而教離。况於山谷之便乎。故去就之便。知者不能一遠。近之服賢。聖不能同。窮鄉多異。曲學多辨。今叔之所言者。俗也。吾所言者。所以制俗也。其謂趙

文曰三王不同俗何古之法帝王不相襲何禮之循伏羲神農教而不誅黃帝堯舜誅而不怒及至三王隨時制法因事制禮法度制令各順其宜衣服器械各便其用且服奇者志滯則是鄒魯無奇行也俗辟者民易則是吳越無秀士也且聖人利用謂之服便事謂之禮夫進退之節衣服之制者所以齊常民也非所以論賢者也故齊民與俗流賢者與變俱故諺曰以書御者不盡馬之情以古制今者不達事之變循法

之功不足以高世法古之學不足以制今子不及也遂胡服招騎射乃略中山地至寧葭西略胡地至榆中林胡王獻馬歸

武靈脫關按史記王既傳國子何乃胡服而略胡地欲從雲中九原直南襲秦乃詐為使者入秦齋昭王不知已而怪其狀甚偉非人臣之度使人逐之而已脫關矣審問之乃主父也秦人大驚

武靈探轂按史記武靈王被李兌等圍於沙丘宮

不得食乃探爵飲而食之遂餓死

簡子放鳩按列子曰邯鄲之人以正月之旦獻鳩於簡子簡子乃厚賞其人而放之

趙王受雀按孔叢子曰邯鄲之民以正月旦獻雀於趙王而綴以五彩王大悅

絃服市按鄒陽上吳王書云金趙之時武夫尚市

絃服叢臺之下者一旦成市而不能止

此王之沈恣

叢臺會按漢書光武拔邯鄲置酒高會與馬武坐

叢臺

平原醉客按孔叢子曰平原君與子高飲強子高

酒曰昔有遺諺堯舜千鍾孔子百斛子路尚飲百榼古之賢聖無不能飲吾子何辭焉

庶頗怒客按史記頗自長平歸客盡去及復為將

客又至頗曰客退矣客曰吁君何見之晚也夫天下以市道交君有勢我則從君無勢則去此

固其理也有何怨乎

彭祖絕客按史記彭祖為趙王嘗夜從走卒行微

邯鄲中客以彭祖險破莫敢留邯鄲者乃信邯

鄆人江充諧廢太子至武帝時卒成巫蠱之禍  
勾踐叱咤按史記荆軻遊於邯鄲邯鄲人魯勾踐  
者與荆軻博而爭道勾踐怒而叱之荆軻默而  
逝去後勾踐聞荆軻刺秦王私曰嗟乎惜哉其  
不講於刺劍之術也向者吾叱之彼乃以我為  
非人也

趙使誇楚按史記趙平原君使於春申君趙使欲  
誇楚為玳瑁簪刀劍悉以珠節之春申客三千  
皆躡珠履見趙使於是趙使乃大慙

孟嘗怒趙按史記孟嘗一名薛君過趙平原君趙  
人往觀之皆笑曰始以薛君為魁然也乃眇小  
丈夫耳孟嘗君聞之怒擊殺數百人遂滅一縣  
以去

李園滅楚按史記趙人李園知襄王無子乃獻其  
妹於春申君有姪矣又勸春申獻之楚王果生  
男立為太子李園乃殺春申以滅口是歲秦嫁  
毒與呂不韋事覺皆死李園得不死者蓋幸耳  
郭縱巨賈按史記邯鄲人郭縱以鐵冶成業與王

者埒富。

田蚡見殺。按綱目漢景帝時有邯鄲人田蚡以女欲獻之江都易王。王之子留之。蚡告之人乃殺

蚡。

楊愔見執。按齊史楊愔華陰人仕齊為右丞少時從父往并州有邯鄲人楊寬者求從之後孝莊幽崩愔過邯鄲為寬所執至相州見刺史繹之趙人修祀。按隋圖經云今趙氏數百家有祭祀別設客位祀公孫杵臼程嬰。

玄宗賜祭。按唐書玄宗即位詔趙國祭趙括母與簡相如。

**誓蹕**

漢高祖過邯鄲問樂毅有後世乎。乃封其孫樂叔於樂鄉。號華成君。

光武接邯鄲。遂居邯鄲宮。書卧溫明殿。耿弇請間曰。天下至重。公可自取。勿令他姓得之。

魏孝靜帝武定元年車駕蒐于邯鄲之西。

元仁宗行次邯鄲諭縣官曰。吾慮衛士不法。胥吏

科歛重為民困乃命王傳巡行察之

**國朝**

正德十六年六月大臣迎

世宗入繼大統道經邯鄲暫寓察院茶訖即行至

嘉靖十八年二月奉

駕南狩至四月

車駕南還皆出邯鄲乃設

行殿於東城之外俱以懋即發

**國朝**

**秦**孝文王后即邯鄲姬史失其姓楚考烈王后李

氏即園之妹漢文帝慎夫人尹姬武帝王夫人

南粵王后穆氏唐武宗妃王氏齊文宣皇后李

氏弘德夫人李氏九人皆邯鄲出

**國朝**

陳氏倉之女嘉靖二十六年選入

內庭至四十一年薨

進封常嬪其兄陳時政實授錦衣衛百戶

**藝文**

虞氏微傳二篇 春秋十五篇 趙人樂毅報

燕王書一首 孫卿子三十三篇即荀况 孫

卿賦十二篇 荀况集二卷 公孫龍子三卷

慶子九篇 慎子四十二篇即慎到 毛公九

篇即毛萇 吾丘壽王六卷 待詔金馬聊倉

二篇 趙幽王賦一篇 邯鄲河間歌詩四篇

一篇宣帝時以言便宜至弘農太守 劉

劭皇覽七華 述法論十卷 人物志三卷

說略一篇 新律十八篇 三都賦 都官考

課七十二條 樂論十四篇 注孝經一卷

律略論五卷 張之翰樂府三十卷 鏡中燈

詩一首 孤影射向入照臨西風不動竟沉沈池鉛汞鍊真火夜舍星犯太陽  
難超拍時紅熾息却頭塵曙光深後渠百煉千燒後舊剛明一片心

國朝

張棊南臺疏稿二卷 張國彥瑣垣疏議四卷

張成教詩集九卷文集五卷 投閑漫語二卷

兵旅

周敬王時趙穆涉賓以邯鄲及晉侯使司馬籍秦

圍邯鄲此邯鄲受兵之始齊侯衛侯伐晉救邯

邯鄲縣志卷之二  
百六  
邯鄲救兵之始至

**國朝**正德六年薊盜攻邯鄲知縣張偉禦之不克去邯鄲之受兵終於此敬王以後正德以前兵多不書特書始末以見意云

**流寓**

孟嘗信陵以公子至魯仲連以高士至樂毅以忠臣至呂不韋以買入至騶衍以談天至荆軻以彈劍至蘇秦張儀其羅淳于髡新垣衍以說客至扁鵲呂巖以方伎至李白白居易岑參元

好問以詩人至按流寓不過紀一時羈旅之迹而其他人之賢否不與焉故止書其名氏而不詳其行業如信陵竊符救趙而高義照人仲連以片言却秦百萬兵又能揮千金而去之此兩人盖有功於邯鄲者余故特為表著之焉

**慶祥**

**晉**武帝五年五月辛卯朔鳳凰見於趙國

**宋**淳化四年邯鄲縣民鄭安妻一產三男子

祥符元年邯鄲縣民馮文田禾隔龍合穗者二

本

災異

趙孝成侯二年六月雨雪惠文王二十二年大疫  
孝成王十二年邯鄲奢燒 漢高后元年五月  
丙申趙叢臺災 呂后殺趙王友之應也 景帝  
三年二月邯鄲狗與彘交 趙王遂謀逆見殺之  
應也 武帝大始四年七月趙有蛇徙郭外與  
邑中蛇鬪 邑中蛇死 此衛太子與邯鄲人江充  
之應也 新莽天鳳二年邯鄲以北大雨水

晉武帝五年二月辛巳白龍二見於趙國 齊  
後主武平三年龍見邯鄲井中其氣五色屬天  
此後主降周之應也

唐陸仁蓓遇鬼蓓邯鄲人少事經學不信鬼神常  
欲試其有無就見鬼人學之十餘年不能得見  
後徙家向縣於路見一人如大官衣冠甚偉乘  
好馬從五十餘騎視仁蓓而不言後數見之經  
十年凡數十相見後忽駐馬呼仁蓓曰此頻見  
君情相眷慕願與君交游仁蓓即拜之問公何

人耶。白是鬼耳。姓成名景。本弘農人。西晉時為別駕。今任臨湖國長史。仁蓓問其國何在。王何姓名。答曰。黃河以北。總謂臨湖國。都在樓煩西北。沙磧是也。其王即故趙武靈王。今統此國。受泰山控攝。每月各使上相朝於泰山。是以數來過。此與君相遇也。吾乃能有相益。令君預知禍難。而先避之。可免橫苦。惟死生之命。與大禍福之報。不能移動耳。仁蓓從之。景因命其從騎常掌事。以贈之。遣隨蓓行。有事必先報之。即爾所

不知當來告我。於是便別掌事。恒隨逐。如侍從者。每有所聞。無不先知。時大業初。江陵岑之象為邳鄆令。于文本年。求弱冠之象。請仁蓓於家。教文本。仁蓓以此事告文本。仍謂曰。成長史語。我有一事。羞君不得道。既與君交。亦不能不告。鬼神道亦有食。然不能得飽。常苦飢。若得人食。便得一年飽。象鬼多偷竊人食。我既貴重。不能偷之。從君請一食。仁蓓既告文本。文本即為具饌。備設珍羞。仁蓓曰。鬼不欲入人屋。可於外水

邊張幕設席。陳酒食於上。文本如其言。至時仁  
舊見景與兩客來坐。從百餘騎既坐。文本向席  
再拜謝以食之不精。亦傳景意辭謝。初文本將  
設食。仁舊請有金帛以贈之。文本問是何等物。  
仁舊云。鬼所用物皆與人異。惟黃金及絹為得  
通用。然亦不如假者。以黃色塗大錫作金。以紙  
為絹。帛最為貴上。文本如言作之。及景食畢。令  
其從騎更代坐食。文本以所作金錢絹贈之。景  
深喜謝曰。因睦生煩。即君袞給。即君頗欲知壽

命乎。文本辭云。不願知也。景笑而去。數年後仁  
舊遇病。不甚困篤而不起。月餘。問常掌事掌事  
不知。便問長史。長史報云。月內不知。後月。因朝  
太山為問消息。相報。至後月。長史來報云。是君  
鄉人趙某為太山主簿。主簿一員缺。薦君為此  
官。故為文案。經紀召君耳。案成者當死。仁舊問  
記將安出。景云。君壽歷年六十餘。今始四十。但  
以趙主簿橫徵召耳。當為請之。乃曰。趙主簿相  
問睦。見昔與同學。恩情深。至今幸得為太山主

簿適遇一員官缺明府令擇人吾已故公公許  
相用。兄既不得長生。命當有死。死遇際會。未必  
當官。何惜一二十年為生耶。今文書已出。不可  
復止。願決作來意無所疑也。仁菑憂懼病愈篤。  
景謂仁菑曰。趙主簿必欲致官。君可自往太山  
於府君陳訴。則可以免。仁菑問何由得見府君。  
景曰。往太山廟東度一小嶺平地。是其都所。君  
往自當見之。仁菑以告文本。文本為具行裝數  
日。景又告仁菑曰。文書欲成。君訴懼不可免。急

作一佛像。彼文書自消。仁菑告文本以三千錢。  
為畫一佛像於寺西壁。訖而景來告曰。免矣。仁  
菑情不信。佛意尚疑之。因問景云。佛法說有三  
世因果。此為虛實。答曰。皆實。仁菑曰。即如是。大  
死當分入六道。那得盡為鬼。而趙武靈王及君  
今尚為鬼耶。景曰。君縣內幾戶。仁菑曰。萬餘戶。  
又曰。獄囚幾人。仁菑曰。常二十人。已下。又曰。萬  
戶之內。有五品官幾人。仁菑曰。無。又曰。九品以  
上官幾人。仁菑曰。數十人。景曰。大道之義。亦如

此耳。其得天道萬無一人。如君縣內無一五品官。得入道者萬有數十。如君縣內九品數十人。入地獄者萬亦數十。如君獄內囚惟鬼及畜生最為多也。如君縣內課役戶。就此道中又有等級。因指其從者曰。彼人大不如我。其不及彼者尤多。仁菑曰。鬼有死乎。曰。然。仁菑曰。死入何道。荅曰。不知。如人知生而不知死。仁菑曰。道家章醮為有益否。景曰。道者被天帝總統六道。是為天曹。閻羅王者。如人間天子。太山府君。如尚書

令錄。五道神如諸尚書。若我華國如大州郡。每入閻事道士上章請福。如求神之思。天曹受之。下閻羅王云。以其月日得其申訴。宜盡理。勿令枉濫。閻羅敬受而奉行之。如人奉詔也。無理不可求免。有枉必當得申。何為無益也。仁菑又問佛法家修福何如。景曰。佛是大聖。無文書行下其修福者。天神敬奉。多得寬宥。若福厚者。雖有惡道。文簿不得追攝。此非吾所識。亦莫知其所。以然。言畢即去。仁菑一二日能起。便愈。文本父

卒還鄉里。仁菴寄書曰：鬼神定有貪譎。往日欲  
即君飲食，乃爾殷勤。此知無復利相見，殊落莫  
然。常掌事猶見隨本縣為賊所陷，死亡略盡。僕  
為掌事所導如常，賊不見害，竟以獲全。貞觀十  
六年九月八日，文官賜射於玄武門。文本時為  
中書侍郎，自語人云爾。

**國朝**

正德二年，大雪有壅蔽門窻，不知曉者。七年  
黑膏見。嘉靖二年春，黑風晝晦，天色赤，喻時

乃明。八年大蝗蔽天，歲又大饑，人相食。二  
十五年鄉民溫廷華騎驢過澄陽河，值雨有龍  
自空中擗殺之，已而投諸河。三十三年大饑，  
斗米銀二錢，人相食。四十二年大水。隆慶  
二年大水，沁河水侵城，城將害，無何水犯他道，  
去城得免。故議者謂沁河當改以遠城害。  
張成教曰：雜事志於史不見，而近世作者往往  
有之余，蓋述馬先邑名重本也。有邑而必有事，  
故次之以遺事事之大者，莫大於尊王，故以警

驛后妃次之王事之大者莫大於修文講武故  
以藝文兵旅次之賓旅者亦王政之所不廢者  
也故次之以疏寓慶祥災異又王政休咎之所  
從出也故以是終焉

邯鄲縣續志序

國有史邑有乘所以識逸事也年  
來人文世代方物圖書不勝  
遺散之感矧鼎革乎直指

桑老公祖穆然一時千古之懷

序  
谷之

武郡伯郡伯谷之

韓邑侯

採方聞谷

掌故續次成帙示余於戲數  
十年闕疑之典繇茲傳信俾

觀風採俗按籍而稽雖一方  
之故實乎與玉牒金冊並昭  
不朽可也至徭賦風土之  
後更望諸深心世故者

順治丙戌季夏之吉

賜進士出身四川道監察

御史邑人張 濩書

知縣韓思敬較刊

訓導饒國士較閱

建置志

尊經閣知縣梁御陽建在叢臺下叢臺上舊有  
講院人文振起稱美在前久而湮沒公下車每  
集諸生明倫堂於講課事後緣不便爰相地叢  
臺下湖水洲中創建尊經閣立為講院恢復舊  
業春夏升臺秋冬步閣時與諸生登高臨深別  
有天地都人士環橋觀聽賦詩聯咏饒有靡恣  
伊教懷我好音之遺風  
學步橋在邑北關通沁河之下流也每夏秋之

交山水暴漲行者皆危前令王曰善勸督省祭  
魏邗俊捐金創建世傳壽陵子學步於此橋成  
因名焉刻有石碑在

開三道滄水發源彭城自磁州南關東關而北  
經邗鄆東流入永年曲周與漳水合先是邑令  
惠民者建閘三道引水灌田在羅城者一在柳  
林者一在蘇里者一皆有利於百姓者也

邗鄆縣續志第九卷

宦蹟志

萬曆年間任

朱光祚江陵人由進士富菽文立叢臺講院日  
引弟子員課習其中藻鑑品題多士懾服行取  
吏部主事歷官總漕工部侍郎

孟三遷定陶人由進士性仁柔與民休息因寵  
任安縣丞被論左遷

汪承爵臨清州人由進士陞鹽司運使

張應奎蘄水人由進士歷漳州府推官

王義民江陰人由進士陞工部主事

歐陽調律合州人由進士累已愛民修堤障水人甚德之號曰歐堤行取南京戶科給事中

歐堤記

是歲沁水泛漲土堤傾圮城郭宮室岌岌乎有沉灶之憂公甫蒞任盡捐行戶谷得百石鳩工集石障狂瀾而成安流城以西不至為魚鱉之區者厥功偉哉

邑人閻光復

李魯生霑化人由進士法度凜若冰霜處數繁富庶之秋專以清約持之行取給事中見任順

天府尹

王曰善江陵人由進士陞禮部主事

天啓年間任

靖科元黃崗人由進士建閘開渠不避權要嘗自言曰苟利吾民即掛冠去弗恤也後竟為民受過去歷官戶部郎中

趙振業益都人由進士政尚嚴明人多懷之五載課士不憚劬勞行取御史見任山西糧儲道兵備

崇禎年間任

韓金聲雒陽人由進士性孤介嫉蠹如讐佐僚不敢受民片緡蓋正身率屬云

孫必達韓城人由進士任二月丁外艱

蕭日蘭永城人由舉人擢考治畧增定學校優免大盜常類羅京尹不勝西方美人之思歷官

戶部主事

顏徐緝曲阜復聖裔由進士神明正立

不敢干以私有功城守陞真定府監軍時各處

土寇生亂邑以西以南饑民嘯聚尤甚公奉檄招撫柔魁法訊外生全者數十萬陞河間知府

崇祀明宦

劉濬源曹州人由進士廉介有清操日用服食

仍寒士風處兵荒交困能以慈惠行之調盧龍

馬及時綏德州人由進士任三月調良鄉

順治年間任

吳達無錫人由舉人行取御史官至通政使

張雲翼雒陽人由進士豪邁高華不事小節改

建壇墻隨有時雨之應民翕然稱之以為積誠所致也行取戶部主事

韓思敬金州衛人由國學生員敏練爽慈清約居心好士蓋獨敦尚大體催科流撫字之仁聽斷起神明之譽初政若此久道可知

完自成寧遠人由貢士陞渾源州知州

許侃仙遊人由進士性純孝天資過目不忘敏練爽慈敏潔溫恭課士卹民孜孜不倦連歲罹水災荒輕徭賦簡訟獄與民休息斗米千錢

晏如也撫字之勞足多焉最大者捐金四百重修學宮二百年顏宇敝垣一旦煥然咸新非崇禱重道錚錚杰出者不能丁內艱起復補茂明知縣

許分重修學宮記

邯鄲之有學宮也先自東南隅徙今地事在洪武初年推廣在

成化而戊修葺在嘉清壬午皆所以尊先師而崇廟貌也迨今幾二百年載風雨剝蝕力歸吏此土者間有因陋補苴亦苟為一時之計至於崇儒重道華故鼎新實難其人焉公廉祠木幾觸日動懷教然以起敝維新為已任儲材材以事權咨諸士授以分理工師募自晉陽異材瞻之鄴水集思廣益竭力殫心先

大成殿次棘門外則櫺星並東西兩門內則兩  
廡庫器齋房明倫堂以至垣墉門樓修舉  
靡不煥然改觀計所費金合官紳士庶之所捐  
助蓋二千餘云是役也始于乙未季春告竣于  
丙午仲夏用雖繁而不廢功雖久而不  
雖多日嗣之以餘師外償以工價以故  
身事不勞而功倍公調度之法之善也  
日卿先生暨都人士歌於斯咏於斯駭奔走於  
斯望雲漢之重光采藻芹而思樂崇儒重道革  
故鼎新不誠千百年不朽之盛事哉余解蘭薛  
輒有志未逮也仰公先得我心之同然故欣紀  
其事以為將來者勸其時分歆翰俸克勤鳩俸  
則敬諭阜城杜復盛並與有功焉公諱侃字希  
陶閩之僊遊人也登壬辰進士事在順治十四  
年邑人御史張濩撰

喬振翔蒲州人由經魁沉毅寡言清操敏識聽  
斷若神寧靜不擾所難者憂旱步禱聖井祠往  
返四十里暴行烈日中無難色隨有甘霖之應  
人德之行取御史

梁衍昂三原人由進士性儉樸政寬和勸農課  
桑數十年荒地盡竹開墾朔望講鄉約始終不  
倦步行禱雨隨拜大雨如注萬民感悅越歲又  
火旱齋虔步禱甘霖普被非至誠格天烏能  
屢禱屢應如此乎蘇里建開開通渚河興利除

官十八村立碑頌德驛遞衝疲支應調停有法  
西署學印嘉惠多方連科文武捷報皆其教澤  
之所遺也至始俸修啟聖創建尊經閣講學課  
士雖古良吏無以踰焉

縣丞

萬曆年間任

紀怡江都人吏

蕭凌馨寧鄉人貢

安國臣江都人吏

高鳳至淇縣人吏

薛弘毅延常人貢

盛世英江都人吏

韓繩武絳州人舉人

賀祥崞縣人監

郭繼宗西鄉人貢

曹自得大寧人貢

天啓年間任

楊王柱孟縣人貢

馮惠吉孟縣人監

畢文美徐州人選

崇禎年間任

陳希夔德州人首陞沁源知縣 孟 楨沂州人貢

吳贊化寶豐人吏 邵邦科平遙人吏

張名聲海州人監 朱大倫通州人吏

簡高選武陽人貢

順治年間任

吳晉侯山陰人貢

倪起蕙山陰人吏員陞潁州衛經歷

李景隆涇陽人由監生美丰儀性敏達禁革牙  
僧積久之弊市人便之

劉翼宗渭南人由副榜性行醇篤澹泊寧靜每  
承委催糧嚴飭衙役不許需索甲長常例諱諱  
勸諭刑罰不加里下為之弗擾

典史

萬曆年間任

張謨廣東人

洪天佑儀真人

賈高保德人

羅惟禎林縣人

雷廷馥豐城人

朱施甫武康人

蕭承芳延安人

天啓年間任

劉淵光山人

邵復初富平人

袁逢慶清澗人

崇禎年間任

周道興遼東人

王應壽寧陵人

程應召南直人

高彥咸陽人

馬猷圖陽曲人

雷弘勳富平人

元炳吉州人

為人莫學老曹人  
當心以修德能

順治年間任

凡人作事要公平。公平者向能凡人  
程某大德有天龍也今歷歷甚節

藍孫相岳州府人

周文得山陰人吏員樸厚有清操每年督修墻

濠便民不擾人多懷之

毛鳳德山陰人讀書懷古深通製菽以貧仕還

井不就時大旱奉堂令步走聖井崗禱雨拜未

畢甘霖普降竹潭泥大水中為士民先合邑稱頌

皇木經過本境並隣邑運送夫役不下數萬公設

十數廠煮茶粥以濟饑渴數百里佛聲如雷

CC-0. Mumukshu Bhawan Varanasi Collection. Digitized by eGangotri

教諭

萬曆年間任

錢應晉舉人秀水人

宋賈定州人

楊繼岳舉人蘄水人陞大同府推官

蕭迂琬舉人清江人

李自新舉人四川人陞泗州知州

董弘讓舉人隆平人陞觀城知縣

白若騫舉人南宮人

天啓年間任

續編

王風皞潯縣人

馮板桂淇縣人

雷躍龍新安人陞太原府教授

訓導

郭承蔭順天人陞胙城知縣

靳守燦祁州人陞汲縣諭

陳一元遼東人陞固安縣諭

李培陳留人陞南和知縣修建啓聖祠規制在焉

魏 高安州人

順治年間任

饒國士延慶州人

陳一元遼東人陞固安縣諭

李培陳留人陞南和知縣修建啓聖祠規制在焉

魏高安州人

順治年間任

饒國士延慶州人

教諭

陳性天樂亭縣舉人

訓導

陳九齡大興縣教習

張合真冀州人

聞母病不顧官竟去

賈瑗寧晉縣人

王之瑞真定人

邯鄲縣續志第十卷

人物志

張國彥字熙載。以孝著聞。居鄉恂恂。愠怒不形于色。登嘉靖壬戌第。授襄陵令。以異等聞。拜兵科給諫。多所建白。大者請召對訓儲。及諫止。買珠。因忤當國者。出爲左叅士。論益高之。持綱肅紀。一稟于仁恕。召入順天府尹。因禱雨。陳言述都民阡危狀。擢都御史。撫治鄆陽房山。民史錦用。開礦之說。或上連䟽。極諫乃止。協理兵部尙

續編  
書。洮河之變。有社稷功。念春秋高。祈骸骨。改刑部。尚書。晉太子太保。和厚。謙冲。喜獎。進後學。周戚。黨饑。待而爨。喪待而厝。婚嫁。待而舉者。不可勝數。迄今。科第。聯芳。世傳。忠孝。皆公之盛德。貽之也。崇祀鄉賢。

觀曆有感示諸子

甲子循環六十春。自憐白髮走風塵。百年相去無多日。千歲從來有幾人。幸喜冠裳能繼世。須知和厚可藏身。而翁而祖無他計。一片丹心

鬼神

郭宗賢字楨甫嘉靖辛酉經魁任文水知縣政廉平修築城垣民樂其不擾立祠頌之復除延津縣民愛戴如文水時行取雲南道御史條陳四事一曰兼名實二曰嚴公私三曰酌用舍四曰審進退彈劾不避權貴人咸憚之臨鞫兵備時有邊患以身徇敵有計退保臨洮者叱之曰吾身視此城爲存亡有言去者斬衆志定敵遁去改雲南按察司徵屯甦站軍民德之陞太僕

司少卿伯子以是年登第遂懸車杜門公性質  
直敦厚篤于恩義識與不識皆稱長者卒祀鄉  
賢

馬壯字汝吉以孝友稱舉德行領鄉薦任博興  
縣政簡刑清民戴之如慈母會有清河烏河爲  
害甚劇公捐俸築堤殫厥心力水患始平大申  
丞頌其式于二東仍薦之于朝民德之號爲馬  
公堤因與監司牴牾拂衣旋里淡泊不營產業  
好善樂施人咸稱其長者邑中利害必興除膺

賓賢之典三十餘襪七十九歲沒之日里巷爲  
之罷市有混塵集行于世

龔光祚字貽胤登壬辰第任夏津縣多惠政以  
刑部郎陞寶慶知府廉明有聲晉沔陽憲副聞  
母病愴然曰安有忠臣而不爲孝子者乎遂告  
歸而墓未卽發公曰寧掛冠不忍不伺吾母瞑  
目也竟馳還而墓代公題請爲忠孝兩全名臣  
性儉朴登第後猶徒步行緇帛不着于身蔬食  
淡泊不營產業至周人之急不惜傾資佐之蓋

其天性然也

郭佳鎮字重明登戊戌第性孝友諳韜鈴任確  
山縣多惠政調壽光建祠祀之墜戶政權河西  
務蠲額外羨金數千兩司農薦之歷督儲開原  
道多所建明切中時弊調武德道福藩之國取  
道漕河不勝驛騷之苦公不避斧鉞一切冗費  
盡行裁減官民享無事之福乙卯請告當道者  
凡七上薦章竟不起或勸其爲子孫計曰吾無  
長物遠僻斥鹵亦足糊口倘不肖將焉用也以

清白貽後者若此

張我繼字

尚書國彥伯子性儉樸窮年咕

嚙一如寒素領壬午鄉薦邑士子咸執藐就正  
子孫遵其指授率多成立持已甚嚴盛暑雖子  
弟弗冠弗見也授湯陰令資用悉取諸家惟令  
役夫汲水而已蒞任之初值大雨水溢數十里  
漂民田廬爲之多方賑恤暇即進諸生講課業  
聽訟兩造務得其情直曲俱輸服積勞成劇卒  
於官士民涕泣稱頌

張我繩字春谷尚書國彥仲子壬午科經魁筮仕武城邑小濱河力役多為民苦米擊自將與民休息政事一以惠愛行之民為立祠志感陞大典令煩劇倍武城治之將月有餘地晉戶曹大司農器重之會延寧督儲缺以公往適兩河乏餉人情洶洶乃毅然曰非權無以濟變查有俾賞銀存撫庫力主開借十八萬兩以濟一時之急直指薦蹠有炊無米而萬姓生烟之語都憲薦其才堪八面拜觀察使者寧鎮兵民仰之若父

母倚之如長城尋以疾乞歸後論功晉秩加藩叅賜白鐵將召起用倏就寢至處鄉里中敬老慈幼尚義敦仁有難肇述者

張我續字溼月尚書國彥叔子七歲能文十九登庚辰榜任高縣令尚書公慮多英氣每以寬和訓之兢兢奉命平反諸太獄全活者甚多晉禮曹累官至大司農歷仕有聲如督學中州持公正絕私囑一時英俊盡屬網羅蒞光祿時同朝顯位半出宮牆都人誇為盛事拜命平蜀奪

重慶復成都四十餘城獲逆將樊龍訖戮生擒  
偽相何若海三十餘人獻俘闕下會妻邦彥弄  
兵桂陽奉有爰黔之命拔劉超於布衣誓師振  
旅一鼓而三十萬衆悉為蕩平二役大有杜稷  
功生平尤精導引術著有形神俱妙篇行世

張我慈字復齋京籍江西高安縣人本姓陳流  
寓湖廣岳州府高書國彥節制鄖陽時憐其才  
撫為子中壬午經魁尋復姓入宛平籍授順德  
任縣教諭

張獻瑋字羽岑今御史濩之父也幼而穎異不  
屑群兒伍讀書目數行下十七入邑庠立志遠  
大下帷攻苦觀先國學慨然以千秋自命孝友  
性生每晨起必入侍父母視膳而後出事無大  
小不敢專行必稟命事三十三年如一日有古  
人孺慕之風焉其處兄弟也無時不怡怡即僕  
後下賤亦以仁恕行之 邦仁等負糧債  
數百石旱荒貧不能償乃取其券焚之輕財慕

義種德良多身雖沒令名無窮云

張汶字陵江官都督府經歷早年失父湯陰令我繼乃其祖也垂髫時日教以忠孝傳家之義公由是鯁介不阿因議京營兵餉事廷辱魏璫璫怒杖一百公聲色愈厲或勸之曰時勢乃爾盍少貶以得生乎公曰頭可斷志不可回也遂就械禁絕飲食而斃斃之日天道晦冥人皆知爲忠寃所結也崇禎初年贈刑部員外郎錫之誥命曰捐軀一時烈志亘乾坤不朽齊芳萬古

正氣與日月爭光英魂如存泉臺永慰事在二年四月十五日也丹心流碧百折不回奕奕忠孝之家聲於此為克振矣

陳應相字枚公教諭我慈仲子丙子副榜隹貢初授山東平度州同歷陞溫台運判寧紹運副松江運同復陞廣東惠州知府調停兵民分駐法甚善歸善縣合江涉者病創建玉帶橋官民稱便改山東東昌知府水陸要衝兵馬絡繹夫動需數萬船動用數千民間困若不堪言者

申請支銷正項募夫募船給口糧給僱價里下  
少甦歲大荒捐俸賑濟繪圖入告蒙發帑金且  
有全蠲本年錢糧之

旨今休致歸來民猶德之

張洞字如心尚書國彥曾孫領丙子鄉為孝友  
性生活靜無欲處已茲慎而雅量過之事堂帟  
溫清定省無間晷戶慰舞之暇篝燈課子唯以  
德行為文苑先逸遊聲伎謝絕弗親樵戶下惟  
足不窺園者八年平居自勵恒以天下為己任

所志未酬中道而歿闔邑為之痛惜

高尚友一貧徹骨負氣狂俠道拾遺金數百守  
候還主主以半酬之友答曰與其半獲何如全  
藏我雖貧寧敢昧此一片心而貽汝以性命之  
憂乎竟掉臂去上臺旌之曰存心孝敬事霜親  
克盡儼誠立志光明睹遺金如同瓦礫扁其門  
曰慷慨還金於戲碌碌塵餘雖不足方還帶之

曰勅謝銀金以熱病...  
晉却衣之陳市...  
者

立櫃櫃

立櫃十八兩

立櫃

立櫃十八兩銀

立櫃

立櫃

修德回天 惟德動天 各遠弗角

科名志

萬曆年間

郝大猷 己卯經魁 登庚辰進士官至山西按察使

張我續 己卯科 登庚辰進士官至戶部尚書

冀光祖 己卯科 任萊蕪知縣

張我繼 壬午科 任湯陰知縣

張我繩 壬午科 經魁 官至陝西右叅議

冀光祚 戊子科 登壬辰進士官至雲南按察使

張毓瑋戊子科官至東平知州

郭佳鎮宗賢子辛卯科登戊戌進士官至武德道兵備

王良佐甲午科登戊戌進士官至戶部郎中

張思行甲午科登化知縣

朱勤甲午科任開封府通判

衛鼎運丁酉科選商河知縣未任卒

張思明丁酉科任原武知縣

安受善庚子科官至戶部員外

安承訓庚子科任清河知縣調福山知縣

張其庭丙午科登丁未進士官至兵科右給事中

閻光復丙午科任歸德府通判

馬玉驄丙午科任滎陽知縣

冀慤光祚子乙卯科

劉附鳳乙卯科任汝寧府同知

李光遠戊午科官至霍州知州

張問明辛酉科任安邑知縣

謝憲文辛酉科知府景星曾孫

崇禎年間

張濩尚書國彥曾孫癸酉科登真辰進士授中書科中書舍人考選四川道御史巡按浙江未任丁艱尋補湖廣道御史巡按淮揚陞湖廣布政司右叅議分守下荆南道

張洞尚書國彥曾孫丙子科

劉之埏壬午科登順治丙戌進士任太平推官

李朝棟壬午科任德安知縣

順治年間

房宣化甲午科

房占熬甲午科宣化子

平原素號才藪父子祖孫兄弟相繼登科甲者

濟濟繩繩良云盛矣同榜聯標者不尠槩見也

先是張我繼張我繩兄弟同登壬午科固已卓

冠當年迨今猶芬人齒頰至于父子同科翩翩

膾炙于一時都人頌之郡邑榮之三百年來唯

房宣化房占熬一氏而已人咸稱為繇來積德

所致云

王起元丁酉科父一善勤儉樸素足不履城市者三十年壽八十餘陰行不輟

康熙年間

張暉癸卯科

溫毓泰丙午科丁未聯捷

新朝武科志

王之瑞順治甲午科

段晉順治庚子科登辛丑科進士耶邑歷百

餘十年未有登甲第者晉英年聯捷

可謂破天荒矣

張斐

岳文蔚

王復

賈永吉京衛

和鈞天

和堯天

兄弟俱湖廣籍中

以上六人俱康熙丙午科

貢志

萬曆年間

劉之沂偃師縣訓

李大才

張三善選

劉之江饒陽縣訓

王喬岳選任梓童知縣

王堯任施秉知縣

郝向明彰德府學授

孫孝德選靜海縣訓

李國玉

閻光復丙午科中式

李星樞

劉紹柱

朱補袞清豐縣諭

李守身沂州學正

謝師教任宜川縣知縣 郭佳鐸南宮縣諭

聶敬一

周之禎泰昌元年選任鎮江府通判

天啓年間

魏希聖恩

郭佳鑑歲

魏宗孔黃巖縣訓

馬登瀛

崇禎年間

張我縫獻縣諭

張琢璿選父子同貢奇遇也視同科更難

溫性生太原府授

賈于庭靈壽縣訓

李昌祚清豐縣諭

郭建極樂陵縣諭

張敬奎授

張思禮

劉三齊

王鑄岳州府訓

聶維屏高邑訓

張其斌

順治年間

宋明謨任商南知縣

張淇任武昌通判

唐琛任良鄉諭

孫遐昌

朱廷說獻縣訓

張配乾恩任江山知縣

王城濟縣訓

王配乾恩任安吉州同

賈于寧

賈舉

張泰胤 息國彥玄孫

張琪 瑋國彥孫

賀時聘

徐夢松 息

張敏行

張抱璞 府學 息

康熙年間

聶應昌

恩 賚

張鶴瑋 國彥孫 官至 順寧 知府

張汝國 彥曾孫 任 都督府 經歷 贈 刑部 員外

例 貢

郝冲 翔 授 參使 大 猷 子 任 兩 淮 鹽 運 司 經 歷

張 藻 國 彥 曾 孫 任 臨 江 府 判

貢 監

張 浴 國 彥 曾 孫

郭 植 佳 蕓 孫 見 任 廣 通 知 縣

官監

張奎胤國彥曾孫見任奉化知縣

監生

張樹國彥曾孫

王象錫

節婦志

宋氏蕭建妻年十八夫故無子家貧無依終日  
不一食親隣憐其苦勸之改操氏忿厲毀面曰  
一身而事二天死何以見夫君于地下速死在  
所甘心焉備歷艱辛五十年有勅建茹蘖堅貞  
石房誌不朽云

韓氏鄭于泗妻性機敏美姿容崇禎寇兵標掠  
執氏欲污之氏度不免給之曰俟我閤戶勿躁  
也賊信而釋手捷飛入井而死賊惜之出諸井

中顏色猶生。驚異焚緝錢而去。

郭氏生員宋興嗣妻。二十一歲夫故。數自盡。家人救解之。日夜紡績。泣盡繼之以血。數十年未嘗與弟侄輩接面。年七十有七。勅賜旌表。優給月糧。以顯貞操。

于氏馬天祥妻。十九歲夫故。家貧紡績。事姑盡孝。撫育孤兒。訓之以義。內言不出。外言不入。有古貞烈風。奉旨襲行旌表。洵不愧栢舟之誓云。張氏二女。一史茂才妻。一史所稱妻。以姊妹爲

妯娌。姊年二十一。妹年十九。俱喪夫無子。二氏相誓曰。生既爲史家人。死當爲史家鬼。守志終身。有死無二。遂互相砥礪。茹苦自甘。日夜紡績。教訓諸侄。俱遊泮焉。旌表一門雙節云。

趙氏段鉅妻也。夫早逝。泣盡繼之以血。血爲之枯。守貞矢志。烈日秋霜。茹苦冰肝。勤儉躬作。撫孤子而家道成。課幼孫而功名顯。清操苦節。四十年如一日焉。按院某奏

聞旌其門曰。完節可風。栢舟不愧。栢舟載耳之烈云。

韓氏張可愛妻。適夫朱幾夫。遂故。遺孤無告。家貧若無址。衣食俱艱。里人難之。氏勤且儉。日夜紡績。蒸養自甘。守節五十年。幸苦備嘗。堅貞如一卒。能教子有成。報故夫於地下。

按院蘇請旌之。扁曰。完節壽七十有七而終。終

之日

學院蔣手製祭文。賜賁金十二兩。差承吏自都

門來吊。復遣縣官豐禮代祭。一時士民驚相謂

曰。此千古未有之曠典。天蓋以此酬氏之苦節也。

蔣學墓祭孝子張必達母韓孺人文。

維康熙年月日

欽差提督順天等處學政內弘文院修撰加一級

蔣謹以香帛清羞之儀。遣官致祭於

清故張母韓孺人之靈。曰。蓋聞古之賢士。必由嚴

父教掖而成。又必有賢月長養以立。故曰行於

塗其有父可知。然則由堂入室。母德亦備著焉。

余奉

命校士畿南有司具言孺人子原生張必達。以德

行稱。余構物采旌之。閱其文。容雅淡。攬其衣

冠。步履出入。恭謹無比。知為禮門義路中人也。

詢之。廣文及博士弟子員皆云。令子至孝。家雖

貧。子弟受經者甚衆。所得羞脯。差可備甘旨。余

心喜之。願念令子老矣。躋蹙於場屋者有年。使

得蚤列賢書。為母光榮。亦人子之大願也。無何

以母艱報聞。嗚呼痛哉。計張子為母緝純績。薦

終。進士。為老人。驟然一笑。豈徒令其子舉孝。庶

驚老童孺。誰不頌張氏母子有此祥也。雖然世  
之事親者。烹肥鮮。爛錦帛。挺匏。戛絲。雖鉤哇。交  
雅然。奏於前。以為極盛。而不知賢者所重在乎  
禮義。而所輕者在乎聲色貨利。孺人之子敦重  
和穆。孺人已心安之。今雖輕養。與常視其子。升  
堂。磨折。觴水。豆菽。跪而進。無以異也。有子如  
此。亦復何恨。余既重孺人之子。輒願孺人貴。願  
孺人壽。忽聞大感。怒馬心傷。然而猶為孺人慶  
者。則以孺人教子有成。使其令名垂於無窮。平  
于之。皆將由此傳傳。然其勉於為善。自蓬之  
源。崑丘之祖。有識者爭仰焉。則孺人之壽。喬松  
而貴。翟掄也。謹薦生芻。用申進感。嗚呼哀哉。尚  
鄉。

徐氏生員張叢璿妻十七歲夫故守節歷常變

艱難三十年如一日完節堅貞申先日月

王氏生員溫崇脩妻年二十三歲夫故守節舅

姑慮其年幼欲奪而嫁之氏堅執不變撫其子

備嘗辛苦至七十大歲外霜鬢然有栢舟之風焉

馬氏孟什村和向陽妻廿九歲孀居守節偶被

叛兵截劫欲奪氏上馬氏竟按井叛且下木石

如雨幸無傷身在井中越十六日每覺有綠衣

人進食得不死後其子和世奎楚省提轄孫和

鈞天。堯天。同中丙午武舉。氏八旬方故。福壽莫  
隆。謂非補節奇孫所歎矣。

### 孝子志

生員史垂訓。德行生員。史官子也。垂髫知孝。長  
而稱篤。舌耕所獲。盡上之父母。不敢私。母敬氏  
故。哀毀骨立。恐父失歡。伺父同起卧者三年。未  
嘗一入私室。父不憚。必跪盡飲食已乃起。斑衣  
娛綵之風。庶幾再覩焉。

王受教早年失怙。事寡母盡孝。家雖貧。飲食言  
笑務求得母歡心。母微愠。卽跪伏不敢起。遇美  
食及新。不進。不敢嘗。母故哀痛異常。每日晨昏

泣拜王前供御悉如在堂時數十年未嘗和懈  
倘亦事死如生事亡如存之孺慕與

馬獻書節婦于氏之子痛父早喪事母色養母  
八十卧病數旬必親澣洗怡氣解頰齒白如兒  
時母故號泣出血三日水漿不入口里巷稱之  
無異詞迄今子姓雲仍人咸謂孝德致然

張必達廩生幼喪父依母為命恪遵母訓遂成  
大儒體母心有里外壅舅氏夫妻子總抱養其  
遺腹孫不以貧窶自阻居恒奉養必誠必諭家

雖貧猶必竭力祇承依違婉戀五十年始終如  
一昇遐之際哀毀骨立盡情備儀真生事塋祭  
克盡無遺者其室人尤執婦道朝夕勤劬姑病  
倍篤親屬咸欽刑于之有素然

按臺鄒公厚視奏旌之曰守身養志孝行足嘉  
學臺宗公敦一以行優加之奏旌之曰孝洽慈幃  
督學弘文院蔣公超以行優加之奏旌之曰純孝  
無間仍賜素帛以祭奠贈厚賻以贄襄非至孝  
感通烏能表異一轍手名實相符在人耳目詎

惺惺襲視問縛節者能方其萬一

災志

天啓六年。大水平地行舟。漂沒田廬無算。八月午夜地震者再。舍宇若傾。四境皆同。

崇禎三年。大雨水冰雹。禾就熟盡毀。

五年。群盜掠牛叫等村。捉童男沐浴。殺以祀神。賊去。冤鬼宵啼。路爲之不通。一人曰。生畏賊死猶是也。以賊誑之。可立止。向夜復啼。衆大呼曰。賊至矣。自是寂然。諺云。鬼怕惡人。亶其然與。十二年元夜雷鳴。夏旱蝗平地深尺。餘草盡。皆

棲于樹。樹爲之枯。

十四年旱蝗大疫。病亡者無人收葬。斗米錢一千五百。剥樹啖草。謝子諒、張東興等。父子子母兄弟相殺。食白晝殺人。剥肉市賣。官法不能禁。河口等處。饑民嘯聚焚掠。劫殺瓦礫丘墟者七十餘村。守備孫顯吳修敵樓置軍器以戰爲守。多所擒勦。死者萬餘人。真定同知顏胤紹招諭撫輯。斬渠首李三知等三十人。隣境始平。

十六年二月大風。沙室內土積數寸。

十一月八日。五鼓大風。五色。通變。下。童紅。闇。室。照之。赤如血。日午乃霽。

順治元年大旱。二年復大旱。

三年漳水泛濫。城東堡河沙張策等村。廬舍盡壞。田禾沒溺數十村。無居民。平地行舟者十餘里。縣東一帶膏腴之地。盡變爲河腹焉。